

BUANTHANH LU

Nangniw khat khat khou kalumlu,
Hymthuanhlu khatnic bumaengh lu lat tei
Saa-suan kary o; khatnic nangniw lungsyng
Rui thuanca kalumlu khatnic hymthuanhlu
Paubauhmei khou suanlou o.

Eph. 5:19

1 Ai Alung Laicna Apu Deang Thangc

Doh hei F

1. Ai along laicna Apu deang thangc tat dat kan ni the.
Heic kandih khou neihlaa baanvthaypui bamv ai how mak ge;
Apu na de ata tineihlaa khang.
 Ai rui Nang Lat liamna tat khwan sihnic,
 Alung laicna hanguang dat the.
 Laalou dat ro ata, Poubauhmei.
2. Kandih rangai khou chakin swna ai rui ruantat the.
Kandih chakin rui ata tingseang tineihlaa ngammak;
Apu na de ata tineihlaa khang.
3. Apumtan, syan-lanv naimei guay tei su-amaan ngam the,
Neihlaana tat bammei chaenglwan guay tei nic n'um ngam the
Apu deang thangc guangna ney dat ni the.
4. He apu ai maanvloumei guay nzianna kuaklou o,
Nang nac kawlou khang biuh mak sihnic Nang bangc swlou o;
Ai tingseang Nang siamruai sw dat ni the.

Gaidimlung Gangmei

2. Ai Kandih Khou Gin Bam Khouhei

Doh hei E

1. Ai kandih khou gin bam khouhei,
Aram nyngtyng takh hei rui saa ngam thuylak ge.
Kachaekc kaphut kai tei ch ryn e!
Mi guay rui abumaengc tiring ngam pwnei cho?
O, mihei ruina ringc ngam lak ge!
 Abraham le! Lazar ta kabaanc twan khou
 Dui katitna rowlouna,
 Abaley khou tizukkeylou o;
 Suhmei mai rui ai khaengv ngammak khe.
2. Lazar diih khou lunghpui kaanc khou,
Lungcgaymeipu rui tu kathowkeyloumei ta,
Khuaic tu khang chaengmun khou guang e.
Karamgaigiu tei lungcgaymeipu rui karaeng.
Kum khwan sihnic Ravguangc rui zian e.
3. Lungcgaymeipu theuhpui kaanc khou,
Tingkauh kandih guang makna maikwam tat kan the.
Lazar tei Abraham pamv khou,
Dungc bammei ta howna kamei rui ning ngammak!
Kum khwan sihnic kamei ringc dat mak.

3 Ai Katumcna Guang Pwni The

Doh hei D

1. Ai katumcna guang pwni the!
Meic gaankhatna rui sihnic,
Nang pyrun tei laa mak khangrui,
Nang khou naimei tei tipna sin o,
 A-Ravguangc zanc, atuang Rasvguangc kaidai,
 Apu khourui tingkauh thangcruui key kanmei,
 Kathancmei Jerusalem zanc,
 Azanc thanh tei karuc khou ai rui hylou ni.
2. Ngammei guay ta tei ai ruina,
 A-Ravguangc tuang kathancmei,
 Kaitiangc akhat tiswlou ni;
 Heic khouteirui tatpat dat lak khe.
3. Poubauhmei rui kumna saa e:
 Nang nchu nic chu mak ge,
 Nang hei chaengc nic chaengc ranv mak ge;
 Nang rui chaenghmei ta Ai kahaw e.
4. Nang rui lumc gunhgunna bammei;
 Chaengc nic chaengc ranv kham makmei,
 Nchu nic chu makpui zaengrui,
 Ai rui teih suk kumc sukganc pwni.

Ph. Guangsuanrei

4 Ai Kumhmei Ramhrik Kumhmei Khang

Doh hei D

1. Ai kumhmei ramhrik kumhmei khang,
Kazei paanrui ringcsuangmei tiilou the.
Ai neihlaa the taw mu ringcsuangmei laatow the.
Ringhmei tampy khou ai lungc pwni. (3)
Hallelujah! He Hallelujah!
Tingkauh Zion ramc gay khoutei,
Lungc nipui ramc tei ai nkhwan ngam mak!
2. Tingkauh ramgai khou ai lungh khang.
Kalvari cross khou ata liulou the.
Kazei luangckeymei tei nang nic laalou la tho.
Tingkauhramc tingsaeng zaeng lungh khang. (3)
3. Mbaanv chwn guay mpat la tho.
Nangniw pumc hei Ravguangc tuang kaipat re.
Lungning nthan makmei tingsaeng ryanraa pwni.
Kanganv maekna ryanraa pwni the. (3)
4. Nrianhloumei ramc tingkauh khou.
Neihkhat panty luaina ai tat pwni.
Lungning mik rui how tangc thuy mak tingkauh ramc tei;
Lwmmwi paanrui tingkauh khou lungc ni. (3)

Thiurizinang Gangmei

5 Ai Lunghe Bamv Hei Syangloupui Bamv

Doh is F

1. ai lunghe bamv hei syangloupui bamv;
lunghe ryanraa duidai ruc khou.
Poubauhmei le. khavlou na ro, khavlou na ro
 Jisu Nang guangcdic tanghe hungc kiu ningtowlou o.
 Dih tuang paapc taanvphy taamei guay,
 Pou 'khwan chu khou ai bam ngammak.
 Jisu Nang guangcdic guang hungc kiu ningtowlou o.
2. Gaypui ganv hei kating dui e;
 Ai thay ngammak thiammei ta.
 Zinghmei muangc rui gumliam bam khou khavlou na ro.
3. Kanganv gay khou ringhting mut ni;
 Thay lo, ringhbamv kaipouc ta,
 Kaganv kaguay Nang khangrui na sinsw ni the.
4. Dih tuang lanv guay khangsuangc sihnic,
 Nang ta along rui machunh.
 Syangloupui sauc pyrun tei nic runlou sihnic.

6 Ai Puancthanh Khouteirui

Doh hei G

Ai puancthanh khouteirui. (3)

Ch,rynmei daihmei neihlaamei nai.

1. Rey khou taanhmei tei ai taanc dat mak khe; (3)
Ch rynmei daihmei neihlaamei nai.
2. Rey khou saamei lat ai saa dat mak khe; (3)
Ch rynmei daihmei neihlaamei nai.
3. Rey khou suanmei lu ai suan dat mak khe; (3)
Ch rynmei daihmei neihlaamei nai.
4. Simeit taektw guay ai tu dat mak khe; (3)
Ch rynmei daihmei neihlaamei nai.
5. Zianmei champarv le, nang thu akumh cho? (3)
Nang nic puanvthanh changhmei tei cho?
6. Ntaw Khrista khou nang guang mak gethei (3)
Nang tingkauh chaenghmei tei maan pwni.

7 Ai Rui Thay the, Kachangc Changhna

Doh hei Ab

1. Ai ruina tahy the kachangc changhna,
Mi baanv kandih hei akai hamh e,
Neih khatna gin guanglou kumh tuang de;
Neih khatna gin guanglou kumh tuang de.
Tingsaengc lak khe, ai hand at ni the,
 Neihlaamei tingkauh akai thangctei;
 Tingkauh baanch raa guay lev bam chmscns,
 Neihlaa zaenggay lu suan cham ni the.
2. Alungning syan khou Poubauhmei lat,
Guang pwthe trampat amuan kumcna,
Amuan guangmei khwantei rui saa e:
Tingkauh kandih tei naaguang pwthe.
3. Kandih khou naimei ataanv kaguay,
Alatsav guay amaan pwni e,
Poubauhmei tingsaeng ringhmei Lat mu,
Khatsihnic amaan ni tuang hamh e.
4. Ryanraa guay nthae k pwni neihkhat;
Tingkauh kandic tei tangc pwkhou kiu,
Suan bammei aluswan kaguay hei,
Neihlaana tingkauh thangc suan dat ni.

8 Ai Sansii Chuanchayna Lungc Sihnic

Doh hei E

1. Ai saansii chunchayna lungc sihnic,
Poubauhmei, along rui Nang ta thuanc e;
Azybamv khourui Nang ta kalum e:
Ata zian kadanloumei Nang na de.
 Ai hei chuanchayna apumtan maek khe,
 Kum sihnic abumaengc hei Nang tuang de;
 Apumtan rui Nang siameuai sw ni.
2. Ai ryanraa puihuayna bam sihnic,
Nang ramrianraa paekri sihnic tangh mak.
Along ryanraamei muangh zingh kumc sihnic,
Gethsamani ryanraa ta tangh thuy mak.
3. Ai hau bammei azy alaeng khourui,
Poubauhmei Nang pamv ai azwan guang e.
Kandih khouhei askai maek khwan sihnic,
Kachaekc kaidai tei akai sw ni the.
4. Kandih apumtan suan khwan sihnic,
Bumaengh pumtan hei mu nbu haihhai,
Kandih apanty dui guangmei heirui,
Tingkauh kaidai tangh khang anaa guang the.

Rev. nannethon Palmei

9 Ai Tabui Tanc Ethei

Doh hei Eb

1. Ai tabui taanc e thei ringsuangmei laa ni cho?
Kandih puat ata gu hgam mak,
Maansei ningmei rui nic gu hgam mak,
Maan kan nimei apanty hei.
2. Meic khat rui Poubauhmei Jisu daeng khou guang e.
Kamei kandih lingcgaymeipu e.
Ringhbamv lam khou kamei phu khwan e:
Ki kamei ringhmei laa ngam mak.
3. Niw panty khou guloupui ganv tat ri e thei,
Kandih panty hei luai guang pwkhou,
Theihpui bamv t'rou khoutei tat nii mak.
Kumhna ringc ni cho Poubauhmei.
4. Ntaw hei nuhpui ganv e ringcsuangmei laa khang.
Jisu rui kros theicloumei tei,
Lwmmwi guay rui ringhmei laa pwni.
Aseic di the ringhmei laa khang.
5. Zianmei nunc le, linghlaic tho ringsuangmei laa khang.
Lungcgaymei rui tingkauh gutmei suangc,
Ut rui pinh mai khou gutmei chiw e,
Twana Poubauhmei rui saa e.

10 Ai Tingmik Thuih Kaipou

Doh hei G

1. Ai tingmik thuih Kaipou Nang thei lay tat ni.
Ai hei Kaipou Nang tuang e.
Chaeng khou ai puankey bam khwan sihnic,
Nang hei akaipouc swlou bam e.
 Nthiammei pwanzingc ranv guang pwsinic,
 Ting neih siguang sihnic ai Nang tuang;
 Tingsaeng zaeng khang ai Nang tuang sw ni the.
 Ai hei kaipou Nang tuang e.
2. Meic nunc rui karaeng zauczih guang pwsihnic,
Ai hei kaipou Nang tuang e.
Champanv rui ata ganclou duc pwaihnic,
Ai hei kaipouc Nang tuang e.
3. Kandih kabamv thuih khou ruan tat bam sihnic,
Ai hei Kaipou Nag tuang e.
Ai theic nic ringc nic tabui guang pwsihnic,
Ai hei Kaipou Nang tuang e.

11 Ai Thay The Kamei Akaipouc Kiu E.

Doh hei D

1. Ai thay the kamei akaipouc kiu e.
Kaganv tingsaengna paapc rui ata guanghtu.
Kamei kalvari khou theihmei nsaa hamh e,
Ai ringhbamv laa khang e kamei theihmei
Appap tei phucna ai ping e,
Poubauhmei Nang bamna ai ping mak.
Nang khou rui ducna ai tat dat lak khe.
2. Kaganv tingsaengcna sinmei khou ruan tat.
Gay taanv khang apanty dui guang kumc the.
Akumh ni cho Poubauhmei le, khavlou na ro!
Nkhuai pui taanv gauy ai taanv dat lak khe.
3. Nang rui Kalvari khou tei ryanraana,
Zei keymei tei along rui ning taan mak ge.
Hei tei akhnag rui hamhna cho Poubauhmei le!
Nkhuaipui chwn guay ai ning dat lak khe.

12 Akhou Guang O Zionramc

Doh hei Ab

1. Akhou guang o Zionramc (3)
Tingkauhramc
Akhau guang o Zionramc (3)
Tingkauhramc
2. Khoutei kapmei nai lak khe(3)
Tingkauh khau.
3. Khoutei ryanraa hailak khe(3)
Tingkauh khau.
4. Khoutei ndaap t ri lak khe (3)
Tingkauh khau.
5. Khoutei theihmei nai lak khe (3)
Tingkauh khau
6. Lauziunac rui gaanc bam e (3)
Tingkauh khau
7. Jisu guang dat zaic puni. (3)
kauh thangcru.
8. Chanaa, pui-pu tat reyme (3)
Ariu ni.
9. Hallelujah, Hossanna (3)
Thuanc bam ni.

13 Aniw Neihlaamei Panty Hei

Doh hei Eb

1. Aniw neihlaamei panty hei,
Tingmik kathuih tatna bam e.
Aniw panty hei luai pwkhou,
Tingkauh kai khou tat ni.
 Chamdaanv la tho, chamdaanv mawkmei,
 Tingsaengc lak khe Jisu quang khang.
 Laalou la tho kaganv gay khou,
 Ntaw Khrista ta laalou tho. (2)
2. Zianloumei ganv hei luai pwkhou,
 Khaengv thaymei ganv hei luai pwkhou,
 Nang ningngam makna bam pwni,
 Kaikhamv mbangh pwkhou.
3. Tingkauh kaikhamv laamc bam khouhei,
 Guang la tho nang bumaengc ringh khang.
 Nyan lamc e tingsaengc la ri tho;
 Kagan maek pwni the.

14 Apaap Gauy Phuc Pwkhau Tingkauh Thangc

Doh hei Db

1. Apaap gauy phuc pwkhau tingkauh thangc,
Neihkhat mu latzan khau ai ding ni.
Ai ley ngammak ge Ravguangc hu khau,
Thow nai cho ata gulou ngammei?
Ch r̄yn e J̄isu zauzian daic ranv e!
Phuna phuna apaap guay kuaklou.
Ai duak ni zauzian r̄ui latzan khau,
J̄isu khau lwmm̄ei ta tiduaklou.
2. Paapc zaeng J̄isu ta kros khau swluai.
Ntwn makmei aniw zaeng khangrui,
Kamei khaengvlou the aniw paap khang.
J̄isu na de r̄iiv ta gu hgammei.
3. Mphwanmei Guangh bamvpaeng khau dungcna,
Nthyammei daihmei kaguayna ta,
Duipui lev taruah ram kaguay ta,
Latzan sw ni nkhamhpui nungc kiu.
4. Ringhmei latrik khau zanh maekmei guay,
J̄isu khau lwmlou makmei guay ta,
Kanganv maekmei theihmei maikwam khau,
Tingsaeng zaeng ryanraa khaengv bam pwni.

15 Apanty Khoutei Ruina Jisu Ta

Doh hei Gb

Apanty khouhei ruina Jisu ta rui pwni

Kamei guang dat pwkhou kiu

Kata sowriu ni zuanh makna

Apanty khouhei ruina.

1. Kalwn kaliak gay liangmei zianna
Nuic rimhrim lana (2)
Ata laa khang key pwni paapc padikmei
dih khouhei
2. Abumaengc hei ruina nic Kalat tei chulou khourui (2)
Abumaengc hei neihlaa the, Kamei abumaengc kaipou.
3. Kamei key datpui nungc kiu ai rui Kata sowriu ni (2)
Neihlaa zaenggaymei ruina gulouthaymei kaipouc ta.
4. Pou 'Jisu ta nzian o, Kalatdanv guay tei piu o (2)
Nang ta phungckulou pwni gay liangmei tingkauh khoutei.

16 Apanty Luaina Khamhpui Tingmik

1. Apanty luaina khamhpui tingmik quang nungc kiu,
Zinghmei duipui ai kaanpat nungc kiu,
Kadanmei nai lak khe chu-zaenghmei Tingkauh khou,
Khoutei abumaengc mbaanvthay ni.
 Kauh kaidai chaeng khoutei,
 Baanch raa guay lu suan bam,
 Kakwm kaganv naimak,
 Kauh kaidai chaeng khou tat nungc kiu.
2. Bumaengh lungc nipui kaidai ramgai saa ngammak,
Nzianmei pwn liu rihri bam e.
Lauphwnsuanh nai lak khe,
Nruayna guay lu suan.
Kadanmei ryanraamei nai lak khe.
3. Adihkamv neihlaa ni duipui kaanpat nungc kui!
Gaanc gaymei Tingkauh khou lungc pwkhou,
Tingkwm rui tatbam kumc,
Tingkauh lu ai suan ni,
Gaymei baanch raa guay lev ai lungc ni.

17 Aringcbamv Lev Amairam

Doh hei D

1. Aringcbam lev amairam kiu Ravguangc e.
Thow ta ai rui pingbam nina cho?
Ringhmei lev pumtan tei Ravguangc e,
Thow ta ai pingbam nina cho?
 Nzianmei apui pu rui
 Ata ganv nrulou pwsihnic,
 Zianthaymei damcloumei Ravguangc rui
 Zasythauna pamc-puanclo pwni e,
2. Ravguangc khourui ai ramh khatna kahaw e,
Karamgai tei ai how khang ning e,
Apanty tingmik kaguayna hei,
Ravguangc kai khou lungc bam ni the.
3. Zianthaymei Ravguangc rui aniw ta kaw e,
Theihmei zinghmei kandic khouruina,
Mpatlouna Adaeng khou guang o,
Zanhpumc panty hei luai mak khou.

K. Kamson

18 Ata Bumaengh Rui Kawloumei

Doh hei Eb

1. Ata Bumaengh rui kawloumei,
Charyn tung e kazauzian hei!
Saa ngam thuy lakmei ramneilaa
Laatow the alung syng khouhei!
 Akhong Khrista rui theicloumei!
 Kakumc ai nic cross phungc ni the.
 Kazauzian hei alu swna,
 Apnty nai sanv thuanvc bam ni.
2. Apumc guay Nang tuang swlou o,
 Alung khou Nang guang bamlou o,
 Simei apaap guay khiulou o,
 Sw thanlou o, along pwm hei,
3. Alung khou Nang gutbamlou o,
 Nang bam pwkhou zinghmei maek ge.
 Araana achwn swthuy mak,
 Kaganc thuih Nang nduanghlou.
4. Akhou Bumaengh rui dinclou o,
 Paapc sw mak khang nic dinclou o,
 Sipui taanv khou tiduaklou o,
 Tingkauh lwmlung khang dinclou o.

R.K.Chingkhiulung

19 Ata Gupatlou The

Doh hei G

1. Ata gupatlou the, ata gupatlou the,
Paapc khou rmaan bam khourui,(2)
Ata gupatlou the, ata gupatlou the,
Paapc khou rmaan bam khourui.
He Ravguangc Nang ramzian hei ch r'yn e;
Saa ngammakmei ramzian e.
Kandihmei paapc sw thanlou the.
2. Sauh pyrun runlouna akhang kazei keylou,
Kalvari chying ruc khou, (2)
Sauh pyrun runlouna akhang kazei keylou,
Kalvari chying ruc khou.
3. Zinghmei bamv khouruina ata thuakpatlou the,
Kanaç tiswlou the. (2)
Zinghmei bamv khouruina ata thuakpatlou the,
Kanaç tiswlou the.

20 Ata Ringhmei Thingbang Tiswlou O

Doh hei G

1. Atat ringhmei thingbang tiswlou o
Duithuak paengc khou thuamei thingbang kumcna,
Kamaan zangcna kabwan gaymei buan khang,
Bumaengh taanv thaymei mbuthau diu khang.
Sw thanlou O, aniw guay lungning hei,
Timaanlou O, reynungc lungning guay tei;
Lungning gaymei kumcna gay bam diu khang,
Heic ramc gaymei khoutei ai guang nuh khang.
2. Ringc changh pwni de ryanraa bam sihnic;
Jisu lim bangc khoutei ringhmei nai e.
Ravguangc rui lingcloumei bang theic dat mak;
Hei kandic maan sihnic maan dat lak khe.
3. Kaganc tingsaengcna ryanraa bam sihnic,
Swan pyrun runpui nungc kiu guang diu khang,
Khoutei guang khang Jisu rui kaw bam e;
Mbaancthaymei tingkauc khou guang diu khang.

21 Baibal Khou Tunac Gaanv Ruh P r'y

Doh hei A

1. Baibal khou tunac gaanv ruh p r'y khou saalou e;
Gaanv panguh rui chamdaanv, panguh rui chamdaanv mak.
Chamdaanvmei nunc rui kaniw maibungc khou thauh nai;
Chamdaanv makmei nunc karaeng sin bam.
 naanguang pwthe, nkhwam bam o,
 Laukhwan ny, kalaan ganv khou ni cho?
 Kandihmei nunc rui kaganv tei thay ngam mak.
 Suriak thayna nkhwanna bam o.
2. Tunac gaanv panguh rui gaanv pabguh khou saa e;
Nangniw thaucdui tei aniw khang nic tiilou o.
Mi ganv khoutei tunac gaanv panguh rui saa e:
Nangniw tatna zuanh bamv thangc laa tho.
3. Mi ganv khoutei tinac gaanv panguh tat kan the.
Nowpouc tei rui guangna kaikhamv mbangh kan the.
Heic khoutei kaniw tat hay mak khe.
4. Jisu rui key dat nipui ganv tei naanguang the,
Kamei nunc ta laa khnag kamei key dat pwni.
Heic ganv khoutei chamdaanvna bammei nunc tei rui,
Tingsaeng zaeng neihlaana thuanc bam ni.
 Guichampiang Kamei

22 Bethlehem Thangc Nzwan Di Kho

Doh hei Ab

1. Bethlehem thangc nzwan di kho;
Rianhloumei Guangc puanhpui ramc thangc.
Aniw syan-lanv kaguay phuangcna,
Guangh Thanh puanhmei ta kalum khang.
Neihlaana thuancna lu suan kho,
Guloumeipu ta thuanc di kho:
“Hosanna ” twna kauc lana ’
Kauh liangmei khou hymdaic kan diu.
2. Takmei nunc lev lauziu gaenghmei,
Gaanphiu tei rui chaeng zaylouna,
Bethlehem thangc nzwanguang the.
Kaniw kunghmei syan-lanv phungcna.
3. Zianmei pu-chaih akinac thiu,
Aniw lunghlaicna thau di kho,
Guangh Thanh puanhmei ta kalum khang.
Thau tho, aniw kunghmei lanv lev.
4. Lwmloumei gauy dawn gay pwni,
Guangh Thanh puanhmei Khrista khou kiu.
Maan dat lakmei namvdai gaymei,
Jirusalem Thanh khou lungc ni.

23 Bumaengh Khou Niw Khatna De

Doh hei C

1. Bumaengh khou niw khatna de,
Khrista khou niw khat de,
Niw lungkhat chwn khat sw khang
Ravguangc khou niw kalum e.
 Kaht khat ta kuaklou karyna,
 Zianthayna lungc pwkhou,
 Khristian e twmei meic nunc how kan diu.
2. Aniw guay tat chamc bam ni,
Khat khat baanc ngguakna.
Hu biak thangc tatgut bam ni,
Tingkauh kai tangh makpui saanv.
3. Aniw taanc nchamc bam ni,
Ravguangc latdanv piuna.
 Maanmei nunc khou dincloou ni,
 Khrista tuang Gaychamv ti hei.
4. Khat khat khang huayneylou ni,
Aniw Pu Ravguangc khou.
Khat khat ta kadan thayna
Nzianna lungc bam ni the.

24 Bumaengh Lungc Nipui Ramc Nai

Doh hei E

1. Bumaengh kandih lungc nipui ramc
Tingkauh khoutei lungc pwnei.
Phaengc zauc lo, nzianmei nunc,
Charynpui kandih khou.
 He nzianmei nang nic zauc lo.
 Kaikhunhmei guay lungc pwnei;
 Nang khang bamv chamdaanclo.
2. Tingkauhramc guang nimei nac nunc,
Pwan thanh tei piu pwnei the.
Pwan thanh tei piuna thuanc ni,
Gay liangpui neic khoutei.
3. Tingsaeng zaeng pwan thanh piu lana,
Ravguangc ta thuancna bam ni.
Nrangvting patmei kumcna,
Kanganv maekna thuanc ni.
4. Tingsaeng lu suanmei kaikhunh guay,
Khrista tampy laamei nunc,
Thuanc taek makna thuanc nimei;
Hallelujah! Thuanc ni.

Ph. Thailik

25 Bumaengh Nthanmei Ai Laatow The

Doh hei E

1. Bumaengh Nthanmei ai laatow the;
Ravguangc paanrui lungh neihlaamei nai e.
Kandih lungh ryanraa ramc khouhei bam saengc lak khe;
Ravguangc khavlou na ro, kandih ryanraa ramc khou.
 He Ravguangc zaylou o, kandih ryanraa ramc khou,
 Nang hamhna apumtan baihmei maek ge,
 Lwmlouna guang la tho, ntaw Khrista pamv khou,
 Ravguangc khavlou na ro, kandih ryanraa ranc khou.
2. Lungning khou chuzhengmei arui the.
Aloung ryanraamei ani lak khe Ravguangc.
Nang zauzian paanrui ai ataw ringhmei laa the;
Ravguangc laalou na ro, kandih ryanraa ramc khou.
3. Alung khou chuzhengmei laatow the;
Ravguangc paanrui neihlaamei arui the.
Ntaw thu zinghmei bamv khourui ai duakpat the.
Ravguangc khavlou na ro, kandih ryanraa ramc khou.

26 Bumaengh Thai Chakui

Doh hei F

1. Bumaengh thai chakui hei ntahi la tho.
Nang khou nthailou mak gethei,
Latryan geih thangc nang rui piu bam sihnic,
Thinkauh kai thangc nang khang bamv maek ge.
 Bumaengh tuang thai kiu thu:
 Nzianmei, neihlaamei, chuzaenghmei, khaenvgsaenghmei.
2. Nang rui lingcloumei nang tay dat pwni.
Zanh pumc swna lingclou ethei,
Zanh pumc swna suai makna tay dat ni.
Baibal khou ntanna hylou e.
3. Thow kumhmei rui bumaengh khou lingc ethei,
Ringhmei bumaengh tay dat pwni.
Gaypui taanv taanh khangtei ranvlou la tho;
Thaymakpui ganv khou tay dat pwni.

I.D. Achangbou

27 Bw, Neih, Gaanchuangcna Guay

Doh hei C

1. Bw, Neih Gaanchuangcna guay ta samc rilouna,
Ai lunghmei kandih ta patlouna,
Zianmei nunc tat lak nimei guay ta
Ramnavlouna Kaipou ta ariu khang
Kaamcthau kan ni the.
 Tingkw m ching ching
 Kata thuanh khang samc kan ni the,
 Neihriw kage ,aek khe, heic ramc thangctei,
 Ryanaamei nai dat lak khe,
 ARavguangc ta how khang
 Kaamcthau kan ni the.
2. Kaidai cheang khou ai neihlaana ruan bam ni.
Gaanvsaekc thu maikwam khou ryanraa ni,
Jisu khou lwmlou makpui zaengrui.
Bam duc khwan tho kadylou khang maek khe.
Kaamcthau kan ni the.
3. Tingkauh ramgai thei thow rui saa ngam ni cho!
Kata thuanhmei khwanrui padik ge,
Ringhmei thingbang lim gaymei khoutei.
Zianmei nunc lev ringhmei pyrun run khang,
Kaamcthau kan ni the.

Mp. Ningdinliu

28 Chabwan Guay Nic Suankey De

1. Chabwan guay ni suankey de,
Alauc guay nic lackey de.
Ringhpouc khou ngangcloumei guay mu,
Eagle mou kumc samcku pwni;
Kaniw pakbam sihnic suankey lak ge.
 Maansei khou ngangvloumei suangc mu,
 Ringhpou khou duploumei rui gay e.
 Guangh ninc khou ngangvloumei suangc mu,
 Ringhpou khou duploumei rui gay e.
2. Nang pumtan rui ngammak ge,
Bumaengc ric sw nimei tei,
How makmei ric dou nimei tei,
Ringhpou bumaenc paan rui ngam ni.
Huayney ranvmei guay rui rih hei ngam ni.
3. Bumaengh khuamguangmei khangtei,
Hymdaihmei pyrun tii ni.
Tingkauh Guangcdic gaymei khou tei,
Ringhpou ta thuanckuna bam ni,
Hallelujah kaucna thuanc bam ni the.

Ramzanpou Panmei

29 Chamdaanv Latho Lwmloumei Guay

Doh hei G

1. Chamdaanv latho lwmloumei guay,
Lautay nimei ganv guang pwthe.
Kamei rui baengkhuai sinthau the;
Chamjdaanv latho lwmloumei guay.
Lautay nimei ganv guang pwthe.
Napguy tei minc nzih ngam the.
Nkhuk keyna mincraam ngham the.
Khuam kaduai nipui ganv di the.
2. Baengkhuai tei sinna fay pwni.
Poubauhmei rui kumna saa e:
Lau guay tei minc nzih ngam the;
Napchu guay khuam kaduai pwni.
3. Tingkauh baaengkhuai sinthau the,
Kaniw tuang baebgkhuai sinthau the.
Napguy tei mincraam pwni the;
Daihmei thyammei laupuk guay tei.
4. Minc bammei napthai guayna tei,
Kagung katak kadaa pwni.
Tay nsaekclou tuang nai lak khe.
Nap guay saamh khou phungcguang pwni.

30 Chamdaanv Latho Lwmloumei Guay Rui

Doh hei G

1. Chamdaanv latho lwmloumei guay rui;
Ravguangc key dat nimei ganv naa the.
Kaganv chak ngammak Poubauhmei guangcdic tei;
Kamei guang nimei ganv thay mak ge.
 Chyangthau tho paaapc khourui,
 Thau tho, hu thangc zaucna.
 Champanv thiu, nang ringcbamv lam thay than the cho?
 Kaipouc guang khou “gay the ” twlou pwni cho?
2. Khrista Poubauhmei guang pwkhou kiu,
 Meic nac kathuih rui kata how ni.
 Thow pwsihnic kappap nkhamh ngammak ge.
 Paapc phunghmei nunc khang ch r'ynpui tingmik!
3. Chamdaanv mak khou kamei guang pwni,
 Lwm bam khou kata sowriu pwni,
 Kamei nunc neihlaana kata sowriu ni;
 Neihlaa zaenggay daic liangmei sw ni.
4. Nang tuang thuacmai daanc gaancna bam o.
 Lwm tipna kata nkhwam bam o.
 Kamei rui lwmmmei guay ta laathau pwkhou,
 Lwm makmei ta ganclou duc pwni.

31 Chamdaanv Latho Lwmloumei Guay Nyan

Doh hei F

1. Chamdaanv latho lwmloumei guay nyan la ri tho,
Matat khatna khang de aniw panty hei mu;
Kandih khouhei gay chuymei lev kamanv kunghmei,
Mata khatna khourui rmaan ngam pwni.
Kandih akai amaan ngam kan sihnic,
Tingkauh akai gaymei ni e;
Kandih khouhei lungc suang nime i akai maek ge;
Chamdaanvloumei tingkauh akai nai e.
2. Nang khang tiiloumei syan-lanv kaguayna ruc khou,
Nang liantime i taanv tei taaanh khang tii tuang hamh e,
Kakndih khouhei ramh khatsihnic phungcguang mak ge,
Ramh khatsihnic phungctat dat khang maek ge.
3. Zianmei khwan rui kawna bam e ryanraamei guay,
Kandih khougavguangc rui ryanraa lakmei guay ta,
Lwmloumei guayna khang Kazauzian tiilou e;
Nrianhloumei ramc khou phungcguanglou ni.

32 Ch r̄ynmei Jisu Zauzian

Doh hei E

1. Ch r̄ynmei Jisu zauzian,
Apaap suangc daic ranv e.
Ai kumhmei paapc phunghmei nac khang,
Kazei luangckey the.
Karam zianlou ai makumh ngam thuy mak.
Apumtan akhwan naipui kamv thuanc bam sihnic,
Thuanc kim thuy lak ge ch r̄ynmei Jisu zauzian
2. Zianmei baanc rui zaapna,
Aniw ta kaw bam e.
Zianmei guay Akhou guanglou o,
Ai zaeng tithaekclou ni.
3. Nang zaw karih pat ro,
Gu meipu biak thangc tei.
Nang khuay guay tei kuaklou pwni,
Twana zianna saa e.
4. Dihmei guay chakzauc lo:
Kaganv hei rauguang the.
Nuhloupui ganv khou guangmei guay,
Gui gay san gaymei e.

33CH RYNPUI RAMZIAN RUI ANIW TA GULOU

Doh hei F

1. Ch rýnpui ramzian rui aniw ta gulou,
Ntwnpui chaeng khou niw ta zaylou.
Tat di kho tingkauh ramc guangtangh mak saanv.
khamhpui ganv ñaaguang pwkhe.
He Kaipou Nang Latkaeng ðeihmei
Kandihmei guay rui thay diu.
Ntaw nuhloupui ganv di the,
Zianmei nunc le, lwmlou la tho.
2. Tingkauh Jubilee kaeng hiwna bam khou,
Lungcsi lungcgai ta kadaa mak ge.
Guang niimeï guay tingkauh Jubilee khou,
Tingsaeng mbaancthay bam ni.
3. Aniw pumc guay bumaengh pumc sw pwni.
Aniw pheý-baan karaan dat lak khe.
Tingkauh mei lwn guanhna lungc bam pwni;
Mbaanvthaymei ramc khoutei.
4. Tingkauh ramc khoutei aniw lungh khangrui,
Simeï paap ta mpatlou la tho.
Ringhmei latrik khou zanh hylou makmei,
Tingkauh ramc gut nuh lak ge.

Khuanjang Gangmei

34 Chu Lo Tingkauhmei Guay

Doh hei E

1. Chu lo tingkauhmei guay lev kandihmei guay le,
Ravguangc rui saaloumei hei
Ai rui makuatthauloumei nac nunc guay rui,
Ata howmuna adow e.
 Israelmei Amei guay rui, (3)
 Ata thaylou mak ge.
 Israelmei Amei guay rui
 Ata thaylou mak ge.
 Israelmei Amei guay rui
 Ramhthaylou mak ge.
2. Kiruai guay sihnic kakaipou lwn tei thay e;
Nangniw thu Ata thay mak.
He israelmei nunc, Ata thaylou o,
Ai kaw bammei hei chulou o.
3. Kaipou rui saa eguang o kaphianh kariu kho,
Nang paap tei haengcringc sihnic,
Ai rui gunh kumcna khiu mphwanlou pwnei,
Kalvari Lauziu Nac ze rui.

35 Chulou O He Kandihmei Guayle

1. Chulou o, he kasndihmei guayle!
Khrista rui kaw e akhou ngalangguang o.
Nangniw thei tangsynna bammei guay!
Hanguang dat ro twna kaw bam e.
 Nyan la ritho kaganv maek khe,
 Ntaw kakhou guang latho,
 Kamei nang ta kasiamhlou pwini.
 Lwm nuhmei tiswlou dat pwini
2. Thowkumhmei khat rui bowkey lana,
Kamei dingthau dat makna bam nina cho?
Nangniw bowkeyna bammei guayle,
Dingthau dat ro twna kauc bam e.
3. Thowkumhmei rui chaeng maanv lana,
Kamei hanguang dat makna bammei guay,
Hanguang dat ro twna kaw bam e.
4. Ringhpou rui saa e, ramhthay la tho.
Kaganv rii pwkhou nang kapna huay pwini.
Ntaw hanguang dat makmei guay mu,
Thei thang ningngam makmei sw pwini.

36 Chu Nzaenghna Lungc Diu Khang

1. Chu nzaenghna lungc diu khang,
Ravguangc khou lwmloumei guay,
Thanmei panty tei gaynliang e.
Thanmei guay rui, chumhmei kaguay rui,
Tingkauh kandih tei how pwni
 Aniw hei Ravguangc nac nunc e.
 Nthanmei panty khou lungcna,
 Sw nthanmei rui hamhna,
 Pou t'a how ngam mak ge.
2. Tingkauh tuang kaidai khoutei
 Thuanhmei ruina padik ge.
 Lauziunac rui gaancna bam e.
 Khoutei zianmei lev lungning nthanmei
 Ta duanghna lungc bam e Pou rui.
3. Aniw khang chamdaanvloumei,
 Nthanmei pheyybaan nai e.
 Kandih khou thanna lunghmei guay,
 Khoutei ku pwni thanmei kaguay rui.
 He adihkamv neihlaa ni cho!

Guipuapou Kamei

37 Chwnsi Zaengsi Nai Dat Lak Khe

Doh hei E

1. Chwnsi zaengsi nai dat lak khe
Tingkauh Jirusalem Thanh khou.
Aniw quang tangc pwkhou, niw neihlaa cham ni.
He tingkauh Jirusalem !
Chwnsi zaengsi nai dat lak khe,
Tingkauh Jisuralem Thanh khou.
2. Kandih ryanraa nai dat lak khe,
Tingkauh Jirusalem Thanh khou.
Tingkwm ching ching thuanc bam ni,
Hallelujah !
3. Heic kandih ryanraa ramc khouhei,
Lwmmwi guay tingsaengc pwlak khe;
Tingkauh Jirusalem Thanh khou lungc pwni.
Hujinthuiliu Panmei

58 Chwnsii Zaengsiipui nungc

1. Chwnsii zaengsiipui nungc aRavguangc Nang ata duanghlou o.
Lungh ryanraa zaengthaekcloupui bamv Nang pamv khou,
Akhau kauh chamv dinclo o
Zinghmei kandihramc khou bam khou.
 Kahymdaihmei chamv hei a saa ngamthuy lakge, hei!
 Tingkauh nrah alim muanna thuanhpui khwan ai chu pwkhou.
2. Ai zianghmei ramc khouhei lungh ryanraana kapbam khwan sihnic,
Theihmei duidai kaanpat pwkhou aRavguangc rui,
He ata riulou ni, lungh kabiuna kapmei nai lak khe.
3. Heickhoutei bammei guay ramnavpui lat hei saa dat lak khe.
Nthanmei Kaidai khoutei lauziunac ta,
Nthanmei Seraphim guay thuanhpui lu suan nthaeck makge.
4. Mi ramc tei tangh khang kandih ryanraa rui ata gumliam bam,
He ai khwan e nang ramc thanh khou lungh khang tei;
Rihngammei tadannwang sinna, Salem thanh khou thuancdiu khang.

38 Dih Neihlaamei Maan Pwni

Doh hei D

1. Dih neihlaamei rmaan pwni
 Alung kwnmei Nang na de Poubauhmei,
 Ai duploupui bamv Nang na de;
 Nang Bumeangc rui atan nduanghlou o.
 He ata mpatlou rio,
 Ai neihlaa bam ni.
 He Poubauhmei, heic kandic khouhei,
 Nang hamhna ai neihlaa khang maek.
2. Maan pwni apanty hei;
 Mang kunhmei apanty hei maan pwni;
 Neih key kumcna key kan pwni.
 Thau kan the apanty dui luangh kumna.
3. Apanty dui luangh kumc e.
 Araama ta patlou rio, Poubauhmei.
 Ai hei ryanraa sansiimeie;
 Nkhavhlouna zaylouo, Poubauhmei.

40. 'Dihmei Rui Rav ta Thay Makna

Doh hei F

1. Dihmei rui Rav tat hay makna,
Chaeng maanv ngam the.
Guloumei nang laatow ethei
Taanv taanhau tho.
 Jisu ramgai meic nunc how kan diu!
 Kata thau makmei nunc hu khou,
 Lungc lyan bam o.
 Setaan tuang phaypanv gaymei sw bam rio.
2. Jisu ramgai meic nunc guay nic
 Laatow kan diu.
 Ringcsuangmei panty laa kan khang,
 Dihclou tit ho.
3. Nangniw thu Ravguangc nac nunc e;
 Aiimei taanh rio.
 Meic nunc rui nang ta zauc bam e;
 Thanna lungc o.

Mp. Ningdinliu

41 Duipui Paengc Thangc Kachaekc Kaidai

Doh hei A

1. Duipui phaengc thangc kachaekc kaidai gaymei khou,
Thanmei nunc khoutei lungc bam e.
Thuanhpui lu rui kachaekc kaidai khoutei suan bam,
Kaipou Ravguangc daeng khoutei.
O, adihkamv gay tu cho (Hei khoutei).
Heic khoutei ryanraamei maek (Hei khoutei)
Thuanhpui lu rui kachaekc kaidai khoutei suan bam.
He Pouba uhmei chaeng tei laanclou o, ai tat khang.
2. Heipui kandic khou ai n-gin tat bam e;
Kum sihnic neihlaana lungc ni.
Paapc ric ta ngamlouna Jisu lev tat chamc ni.
Heic khoutei ai zaeng thaekc ni.
3. Nthiammei rui ata bam haengv pwsihnic,
Jisu rui akhou lungclouna,
Paapc ric ta ngamlouna Jisu lev tat chamc ni,
Rih ngammei pyrun laa khang.

42 Eden Ramc Gay khoutei Lungh khang

Doh hei E

1. Eden ramc gay khou tei lungh khang,
Guang nimei tingmik haa guang the.
Neih khat panty luaipui nungc kiu,
Guang tangc pwni kaidai khou.
 Alungning lev abumaengc hei,
 Tingkauh ramc khou ruanna tat bam.
 Mbaanv ramc khou lungc nii mak khe;
 Tat kan di kho zianmei nunc le.
2. Mang thangc how gaymei khang suangc e;
Lauziu Nac rui gaancna bam e.
Maeng maan ri tho kaganc maek khe.
Zaypatlou ni Pou Khrista rui.
3. Kanaan ramc tangh mak khang lungh geic.
Zinghmei muangc rui guamlam bam e.
Gaangcguang dat ro Kanloumeipu;
Ringhmei thing lim khou zaengsw ni.
4. Neih khat tingkauh thangc ai ruyan tat.
Han dat nii mak, hand at nii mak.
Nuhlou mak ge Pou Khrista rui;
Han guang dat the kandih ramc khou.

43 Gaanhmei Chaeng Khou Tatna Bammei

1. Gaanhmei chaeng khou tatna bammei,
Nang Bumaengc ringhmei tei laatow diu khang,
Nang lungning khou Abumaengc lungclou the,
Nang khou Ariw tigaanclou the.
Cross te phungcna dinc tat khang nuhlou the
 Cross teo zaucna tat ro;
 Chaeng sw thanlou pwni.
 Nang phaykaamv kathiuh khou,
 Chaeng diclou pwni e.
 Lwmmei nggic phungc tat ro;
 Alat rui thandibaeng swna rih tei adow tat ro.
2. Ping riu, rouh riu baucna tat ro.
Nang sian kamc tipna hu thangc tatgut ro.
Zinghmei bamv khou zipri bammei guay khou,
Gaanhmei riw rui chaeng tigaanclou.
Nang latdyn guay khou nkhlavlou pwni.

45 Gaychamv Dinc Tat Khang Nang Pumc

Doh hei G

1. Gaychamv dinc tat khang nang pumc tiipat ro;
Nang syan-lanv guay rui gaychamv dinc tat ro;
Nang khou naimeï guay rui nic dinc tat ro;
Nang ravsui rui nic gaychamv dinc tat ro.
 Pu-chaih thiï zipri bam ri tho;
 Tay nimeï laupuk daicna nai;
 Lau Kaipou khou tay khang ney o;
 Kameï rui tay khang ndiulou pwni.
2. Khrista zanc chu zat makmeï geicna nai;
Cross nic how zat makmeï geicna nai e.
Jonah ta Ravguangc rui ndiulou kumc,
Nang ta thangc tei tat khang ndiï bam e.
3. Zayloumeï maekmeï lauziï nunc kumcna,
Kaniw guay tei chaeng maanv tatpui kaanc khou,
Nwmbangc khouringc rui kaniw taek aw the.
Atuang lauziï tat kadanloumeï maek.
4. Ezekiel kathumh ruhna tachat khou,
Ravguangc ruina heickumna dincloï e:
Nang ruina tatna dincloï mak gethei,
Kaniw zei manv tei nang khou ney pwni.

46 Gaycham Dinh Khang

Doh hei Db

1. Gaychamv dinh khang nang ta kaw e.
Tingkauh Guangcdic naa the twna dincruan tat ro;
Naumei guay ta tigay tat ro,
Ravsic guay tat a alayganc o,
Nangniw khou ngamv tei tiilou kan the.
 Kaipou laupuk khoutei,
 Taanv taanc nimei thow nai tu cho?
 Isaiah kumcna tatpat tho,
 Poubauhmei guang zaic pwni the.
2. Zianmei guay le, lunghlaic la tho.
Nang khou tiiloumei kaipat tei taancthau dat tho.
Nang rui taanh makna bam ethei,
Ryanraamei tiguang pwni the,
Kaipouc Khrista rui kumna sa e.
3. Tingkauh Jerusalem thanh khou,
Lwmmei lev taanh kazauhmei guay guang lungc pwni.
Khoutei kapmei, theihmei maek khe.
Ravguangc hym rui gaancna bam e.
Tingsaeng zaeng kata thuanca bam ni.

Ramjanpou Panmei

47 Gay Liangmei Apanty hei

1. Gay liangmei apanty hei mu,
Maan nuangc kan pwni the;
Kaganv rui nai bam khuhei,
Aniw lunghlaic di kho.
Guang o, tata kho, Ravguangc Jisu kai khu,
Ramh ningtow mak bampui ganv khu
Jisu guang pwni the.
Kaganv rui nai bam khuhei,
Khrista khu lwm dikho.
2. Tingkauh kai tei gay changh gay e,
Gay chuymei tingkauh khu
Ravguangc lev heic ramc khoutei,
Aniw lev lungc chamc ni.
3. Ramh ningtow mak bampuiganv khu,
Jisu guang pwni the,
Kaganv rui nai bam khuhei,
Aniw lunghlaic di kho.

48 Gaypui Ramc tei Tingkauh Hamhna Cho?

1. Gaypui ramc tei tingkauh hamhna cho? (3)
Ai tat ni.
Gaypui ramc tei tingkauh hamhna cho? (2)
Ai tat ni, ai tat ni heic ramc thangc.
2. Neihmik key dat makpui ramc khoutei (3)
Ai tat ni.
Neihmik key dat makpui ramc khoutei (2)
Ai tat ni, ai tat ni heic ramc thangc.
3. Khuaihdiu luangc e, guaih naodiu luangc e (3)
Ai tat ni.
Zinghmei nai dat makpui ramc khoutei (2)
Ai tat ni, ai tat ni heic ramc thangc.
4. Zinghmei nai dat makpui ramc khoutei(3)
Ai tat ni.
Zinghmei nai dat makpui ramc khoutei(2)
Ai tat ni, ai tat ni heic ramc thangc..
5. Ryanraa ryanriumei maekpui ramc thangc (3)
Ai tat ni.
Ryanraa ryanriumei maekpui ramc thangc (2)
Ai tat ni, ai tat ni heic thangc.
6. Mwnpwang gaymei puanghpui ramc thangc tei (3)
Ai tat ni.
Mwmpwang gaypui puanghpui ramc thangc tei (2)
Ai tat ni, ai tat ni heic ramc thangc.
7. Hallelujah he Hallelujah (3)
Thuanc bam ni.
Hallelujah he Hallelujah (2)
Thuanc bam ni, Thuanc bam ni heic ramc thangc.

49 Gaypui Taanv Taanh Khang Tei

Doh hei Ab

1. Gaypui taanv taanh khang tei nang pumc tiipat ro;
Heickhoutei Poubauhhmei lungc kiangclou pwni.
Gaypui taanv taanh khangtei kaganv reipat ro;
Poubauhmei taanv taanh khang kagan rau guang pw the.
Jisu khou lwmlou makmei guay mu,
Kandih khouhei lungc nchamc khwan sihnic,
Tingkauh thangc guang kariu datpui kaanc khou,
Aniw zaw how ntangh mak nuh e.
2. Kaganv hei dui the, tingmik heir au guang the.
Mbaanv chwn guay mpatlouna lunghlaic tho,
Kaipouc rui chaengmun khou dingna khwan bam the.
Kamei nunc guay ta laa khang nkhwanna bam the.
3. Tingkauh ramc gay khoutei tingsaeng zaeng lungc ni.
Bw lev neih, gaanchuangcna gaanhmei nai lak khe.
Mikdui keymei hei khat sihnic nai lak khe.
Tingkwmm aching Jisu lev lungc chamc pwni.

50 Gethsamani Pikwan Khou

Doh hei D

1. Gethsamani pikwan khou Jisu rui huayneypui ganv khou,
Zauzihmei rihmei guay rui quang lana kata nym kan the,
Banh khou riang rui bangclouna Jisu ta zayna tat kan the.
O, ryanraa dyng e!(2)
Kakhuay khat sihnic maekmei Jisu tei! (2)
Saa ngam makmei ram ryanraa akhaengvna,
Cross khou theiclou the!
2. Poubauhmei ta siina rairiu lana cross khou swluai the.
He “daic liangmei Jihudimei Guangc le, ” twna saa bam e.
Kaphay Kabaanc kaguay ntanh sauc rui hianna swluai the.
3. Poubauhmei tuang ryanraa ryanriumei tei aniw khangrui e.
Aniw Kata tingmik kathuih amucloou ngam nina cho?
Ryanraa ryanriu khaengvmei kaguayna hei aniw khangrui e.
4. Poubauhmei rui ryanraa langvpui zaengrui kros ruc khou kaucna,
Meic kaguayna rui lungning ryanraana kap nic kaplou the.
Kata swluaimai nunc tei neihlaamei rui saa ngammak khe.

51 Gospel rui Kawmei Laalou Khap latho.

1. Gospel rui kawmei laalou khap dikho,
Tingmik thuih tiilou ringhmei Chamv tei,
Tingmik thuih naanguang the Ravguangc kandic.
Kaganv hei katumcna naanguang pwthe.
 Laupouc rui khuamguang nthuih pwkhon,
 Laaloumei nunc zat biak thangc bam pwni;
 Laalou makmei nunc baanc haamvpat pwni,
 Tihkic nyan the twna Pou saa pwni.
2. Khrista Guangcdic Tingkauh chaengmun naa the.
Tingmik thuih haa the chamdaanv latho.
Baanch naa aching-aching lev pwni the.
Kandih kwnguay maansei khuamguang pwni the.
3. Heiczaengrui chanaa thiu chamdaanv latho.
Gospel rui kaw laalou la tho.
Poubauhmei guang pwkhon niw neihlaana
Tingsaeng zaeng gaypui kandih khon lungc ni.
4. Ndaapc tari suc-nuc naunianmei maek,
Chwnsi zaengsi kapmei nai lak khe.
Poubauhmei guang pwkhon niw neihlaana
Tingsaeng zaeng gaypui kandic khon lungc ni.

52 Guang Nimei Neihlaa Zaenggaymei

Doh hei G

1. Guang nimei neihlaa zaenggaymei,(2)
He t ùi nungcruì ai how ni cho?
Guang nimei neihlaa zaenggaymei,
He t ùi nungcruì awi how ni cho?
Duipaengcramc gay guangtangc pwkhou,
Ntamvmei hei nai dat lak khe,
Duipaengramv gay guangtangc pwkhou,
Ntamvmei hei nai dat lak khe.
2. Akhang gay liangmei tingmik kiu, (2)
He t ùi nungrui ai how ni cho?
Akhang gay liangmei tingmik kiu,
He t ùi nungrui ai how ni cho?
3. Aruprian nzianmei guay ta, (2)
He t ùi nungcruì ai how ni cho?
Aruprian nzainmei guay ta,
He t ùi nungcruì ai how ni cho?
4. Neihmik key dat makpui ramc kiu, (2)
He t ùi nungcruì ai how ni cho?
Neihmik key dat makpui ramc kiu,
He t ùi nungcruì ai how ni cho?

53 Guangh Guay Guangc Jisu

1. Guangh guay guangc Jisu,
Mbaanv khou puanclo the.
Aniw ta gulou khang,
Kamei guangpui tuang e.
Hallelujah ! Amen !
Kata laaloumei nunc,
Sangay daic liangmei e.
Kakumc ringc pwni the tingsaeng zaeng.
Hallelujah ! Amen !
2. Nang Kathei lay o;
Kamei rui tingkauh khou,
Nduangh guanglou pwni,
Ryanraamei maekpui bamv.
Hallelujah ! Amen !
3. Nzianmei guay le,
Ntaw hei nang khang the;
Nthuanh panty thay mak.
Ntaw lunghe laic la tho.
Hallelujah ! Amen !

54 Guangh Jisu Guang Dat Zaic Pwni the,

Doh hei G

1. Guangh Jisu guang dat zaic pwni the,
Lungning nthanmei guay ta laa khang.
Lauziu guay lev ziu h guay ta lou baihpui nungc kiu,
Rup-rian guay nang tabui daw ni cho?
Heicpui tingmik nungc kiu,
Zaatc guayna rui guang kariu ni.
Nthanmei nunc Kapu pamv khou zaeng thaekc ni.
Paapcmei guay ta latzan sw ni;
Kanganv thay makna ryanraa ni.
2. Kamei muangh ruc khou key pwni the.
Meic kathuih rui kata how pwni.
Kazak buy biwmei lev hian binmei nunc tei nic,
Lungh ryanraana Khrista ta how ni.
3. Rapchar ganv khou thow ding ngam ni cho?
Nang pumc tanhmei rui ding ngammak ge.
Pu-chaih thiu nking o, Bumaengh Thanmei lat tei.
Nang ta madanclou khang sw la tho.
4. Mi nungc kiu ch rynmei tingmik sw ni.
Ch rynmei ryanraa ryanriumei ruina,
Kanganv maekna bumaengh ryanraa ntamv nime,
Kahym daihmei ta saa ngammak ge.

55 Guang Kaduai Bam e

1. Guang kaduai bam e Nang pamv khou aniu guay (2)
Nang mei nunc swlou diu khang aniu guangbam e.
Guang kaduai bam e Nang pamv khou aniu.
2. Aniu ruak guay Nang khang suan kaduai bam e (2)
Nang khang suan bammei lu hei Nang mei nunc sw khang,
Aniu ruak guai Nang khang suan kaduai bam e.
3. Aniu guay hei Nang khang guang kariu bam e (2)
Guang kariu bammei hei Nang mei sw diu khang,
Aniu kariuna nang khou huayney e.
4. Aniu guay kariuna Nang khou huayney e (2)
Aniu guay huayney bam e Nang mei sw diu khang,
Aniu kariuna Nang huayney e.
5. Aniu guay tingkauh kai ku nchamc pwni (2)
Amiu gauy tingkauh kumei hei Nang mei sw diu khang.
Aniu guay kariuna Nang khou huayney e.
6. Aniu guay tingkauh khou lungc nchamc pwni (2)
Aniu lungc nchamcmei hei Nang mei sw diukhang,
Aniu guay tingkauh khou lungc nchamc pwni.

56 Guanghdic Khat Thau, Bow Dat Nuh e

Doh hei A

1. Guanghdic khat thau, bow dat nuh e;
Zaatc guayna rui rhuc bam nuh e;
Kiu Ravguangc Lat mu kalaic dat lak;
Tingsaeng zaengna.
2. Ravguangc latryan lwm tho;
Khrista khou lwm tho;
Ringbamv laa khang tingsaeng zaeng khang
Kakhou lwm tho
3. Kandih puat hei tingsaengh mak ge;
Asaanh mak khou rmaan ngam pwni;
Kiu Ravguangc Lat mu kalaic dat mak;
Tingsaeng zaengna.

57 Guloumeipu rui Chaeng Zaylou

1. Guloumeipu rui chaeng Zaylou
Kalvari chying khou;
Ryanraa ryanriumei guay khangtei;
Neihlaana bam kan diuc khangrui,
Kasianmhlou the Poubauhmei rui.
 Ai guang the he Poubauhmei
 Nang rui chamdaanvloumei bamv;
 Paapc ric rui tanc-bauc khwan sihnic,
 Nang rui ata nduanghlou o.
2. Ata Guloumeipu theiclou
Kalvari chying khou;
Kalaan zingbangc maekpui ramc khou,
Neihlaana bam kan diuc khang rui;
Kasiamhlou the Poubauhmei rui.
3. Karaan guay nic rmaan ngam kan the,
Kathanc ngam kan the.
He tabui nungc tangc nina cho?
Ai rui ning e tingsaeng kai tei,
Lwmmei guay guang kariupui bamv.

58 Guloumeipu ta Tingsaengcna

Doh hei G

1. Guloumeipu ta tingsaaengcna,
Amucna ai lungc bam khwan e.
Mi kandic ramgai hei tingsaeng zaeng
Khang hamh e.
Zauzian rui duanghlou ni,
Kaguangcdic tangh mak saanv.
 He charyn e Kathuang zauzian hei;
 Akhangrui e khaengvloumei tei;
 Guangna thuancku di kho;
 Niw Guloumeipu ta.
 Kata thuancku mak gethei,
 Neihlaamei maek ge.
2. Kandih puat ta ai phu khwan e;
Kandih lungc suangpui bamv hamh e:
Heic kandic rui ata tineihlaa ngammak ge.
Zauzain rui ata kaw,
Hanguang dat khang kaw e.
3. Ai guang dat the Guloumeipu;
Hanguang dat the ai nang pamv khou.
Ai rui huayneymeimei guay Nang rui dawlou bam e;
Alung khou tiilou e,
Tingsaeng ringhmei latryan.

59 He ARavguangc Zaylou o

Doh hei D

1. He aRavguangc zaylou o;
Nang ningmei khou zaylou o.
Nang hamhna ai ringc ngammak ge, aRavguangc;
He Kaipouc Nang rui hamhna.
Zaylou o, Kaipou zaylou o;
Ringc nipui chaeng khou zaylou o,
2. He aRavguangc zianlou o;
Ai suan e Nang thu tanc e.
Nang pamv khou ai ngangvlou ni the, aRavguangc;
He kaipou pumtan tii o.
3. Tingkauh ramc gaymei khouitei,
Alung rui ningna bam e.
Heic ramc gay tei guang tangh khang kaganv naa the;
Lungning thanna khwan bam o.

60 He Chabwan nunc, Chabwan Ganv khou

Doh hei B

1. He chabwan nunc, chabwan ganv khou,
Ravguangc khang tiipat ro.
Ravguangc rui chabwan ganv khou taanv sw nii e.
Guloumeipu siamruai sw o,
Kachaekc kumhpui ganv khou.
 Nang chabwan ganv gay khou hei,
 Nang Ravguangc ta ningtow la tho.
 Chabwan ganv khou lwmlou la tho;
 Ntaw kaganv kiu the.
2. Kaganv lev tingmik naa guang the;
Panty hei kuai guang the;
Panty tingmik gaymei tat twan kan pwni the.
He chabwan nunc, nang puangc chuy khou
Poubauhmei taanv taanc o.
3. Ravguangc saa e chabwan ganv khou,
Kataanv taanc o faw hei
Nang chabwan ganv gaymei nthuanh kiu maan nuh e.
He chabwan nunc, nang puangc chuy o;
Ntaw kaganv kiu the.

61 He Gaychamv Dinhmei nang

1. He Gaychamv dinc bammei nang tabui thangc bam cho!
Nang lakaeng chu niime, meic aching rui khwan bam.
Howna how makmei nunc, chuna chu makmei guay,
Nang tik nang hym how niime rui khwan bam,
 Luangh rui heicdi kauhbam sihnic tat ni
 Poubauhmei latdanv piu mak ngammak ge
 Nzianloumei pow tei ai phungc bam e
 Poubauhmei siamruai ai sw ni.
2. Seitaanc baanc khou zinghmei bamv khou bammei guay ta
Kalvari riw ta howmakna bammei nai e
Maikwan chaeng khou gut khang thiam bam e Setaan rui
Gaychamv tei dinclou o kaniw khoutei
3. Gaychamv khawn tei chu nii makmei maansei guay mu
Tingsaeng zaeng ryanraa kappui mei sw bam pwni
Khoutei lunghlaihmei guloumei nai dat lak khe
Tingsaeng zaeng ryanraa akhaengv bam pwni.
4. He Gaychamv rui kaw e chulou o rupryan guay,
Gaychamv tuang guangtangc nimei ganv guang the, haa the
Lwmloumei guayna rui tingkauh thangc tat pwni
Zaengthaekc ni the, Hallelujah, Amen.

62 He Kandihmei Guayle

Doh hei G

1. He kandihmei guayle,
Latzan tingmik hei náa guang the.
Minhmei, zimei kadaa nimei ganvtei guang the.
Heic kandic khouhei aniw rui lungc suang bam khang hamh e;
Neihkhatpui tingmik kiu rmaan ngam pwni heic kandic hei.
2. Neihkhatpui nungc hei paapc kandic ta mpatlou pwni.
Heic nungc kiu lwmmei lwm makmei ntamv pwni.
Lwmmei guay rui Khrista ta sowriu khang samcku pwni.
Lwmloumei kaikhunc mu ntamvpui lwn how dat lak khe.
3. Meic Nac Mpouh ruina latzan bamvpaeng khou dungc lana,
Latzan sw pwni the heic kandih mei guay ta.
Gaytaanv taancloumei nic siimeit aanv taancloumei guay nic,
Ndauh pat pwni the heic nungc kiu nang taanv kaguay tei.
4. Kandih kwn padeih khou nyngthav swna lungc bammei guay;
Kandih chwn rui pheyybaan swna lungc bammei guay,
Nang bumaengc nang pumc tei Khrista zei ruina liulou the.
Nangniw phrybaan piumei kumcna Khrista ta piu la tho.
5. Paapc tuang ndeihmei tei tuna theic bammei bumaengc guay.
Kapna puihuay nimei tingmik tei náa guang the.
Kandih khou nyngtyng naina saa suanmei baley hei rui,
Nang khuay guay tei saaduak dat ngam lakkhe Ravguangc hu khou.

63 He Kandihmei Nzianmei Guayle!

Doh hei D

1. He kandihmei nzianmei guayle!
Kaganv hei katumcna kalicguang the.
Kabamv thuih nthw aluanh rah kumc,
Ringhmei Lat dinhmei rui kachyn the.
Lwmlouna makna chamdaanv bam la tho;
Lwmlou makna chamdaanv makmei mu,
Latzan hu khou kap pwni.
2. Ravsic rui taanv taanc nipui ganv tei,
Nangniw thei khou nzwanna tatbam the;
Meti rui nang ta nym kan pwni.
Ramh thayna chriakh thayna bam lo.
He kandihmei chbwan guay khou,
Kandih thaalaa rui nthiam pwni;
Syan lanv rui nic thiam pwni.
3. Kaganv tei chak lo kandihmei guay;
Simei rui ngam khang swguang pwni the;
Ringhmei latchamv dincruan bammei hei,
Laalou nii mak khang taancguang pwni,
Kaipou rui nang ta nzianna
Kaw bammei khwan tei nang chu mak khang,
Ravsic rui taanv taancbam the.
4. Ravguangc Lat chulouna lwmmei guay
Khang chamdaanvlouna bammei pyrun tei,
Guang laa zihna cho nang pyrun tei.
Guang laa tho twna nang ta kaw e.
Kaganv tei tat ri kanpui tangv,
Ning ngam makna kaw bam dat sihnic,
Guang dat ngam ni tuang hamh the.

Luh Achung Kamei

64 He Khristian Ricmei

Doh hei G

1. He Khristian ricmei swmei guayna rui,
Hubiak thangc Khrista ta zauc o.
Tingsaeng zaeng ringc nimei Khrista na de.
Kataanv taancna kasiamruai sw khang nai.
 Zanh pumc khou bumaengh kazauh mak gethei,
 Zanh pumc thu theihmei de.
 Heictei kumc kataanv kazauh makmei
 Lwmmei tei theihmei de.
2. He Khristian ricmei swmei guayna rui,
Nang pumtan hei naipui saanv khou,
Khrista khang nang pumc guay tiipatlou o.
Mi hei nang rui taanc nimei taanv kiu e.
3. Neihlaamei panty khou lungh khang ruina,
Kataanv hei nang taanc nina de.
Nzianthaymei lungning tei phungc lana,
Khrista zanc khourui nang tatpatlou o.

65 He Khristianmei Nuncle, Ntipna Ding O

Doh hei Eb

1. He khristianmei nuncle, tipna ding o,
Seitaan ric tei tancguang pwni the.
Nang mik rakpatna hu thangc zaucpat ro;
Lwmmei na rui rih tei ngam pwni the.
Hallelujah paapc ric ta ngamna,
Suan pwni rih ngampui lu tei,
Rih ngammei pyrun tei run lana,
Baanch raa guay lev suan bam ni,
2. Poubauhmei tuang thandibaeng tei sin lana,
Tatpat la tho Jisu ta zauna.
Ngam khang khavlou pwni kadan bam rio.
Baucna tatgut ro nang hu thangc zaucna.
3. Ngammeipu Jisu ricpwan tei piu lana,
Adow tho Seitaan ric ngam khang.
Rih ngam lana guangmei guay khangtei mu,
Rih ngammei pyrun tei runlou pwni.
4. Poubauhmei Jisu zanc khourui rih ngam ni,
Suai makna Seitaan ric tei ngam ni.
Chuangphey zaythauna trampet amuan ni.
Adih gay ni cho rih ngamguang ethei.

66 He Jisu Nang Gaanhmei Kumc

Doh hei Gb

1. He jisu Nang gaanhmei kumc aniw hei,
Tingsaeng gaanc bam diu khang rui,
Tiilou o Nang riw gaanhmei tei akhou.
Kandihmei guay rui Nang ta thuanc bam ni.
 He Ravguangc, Nang ngamv charyn e;
 Lu suanna thuanc bam pwni thanmei guay.
 Baanch raa nunc rui thuancna bammei khoutei,
 Ai nic thuanc taek makna thuanc bam ni the.
2. Tingkauh ramc khou tei lungc kan diu khangrui,
Jisu rui ryanraa khaengvna,
Theiloumei tei nang laalou zihna cho?
Kakhou lwm tho tingkauh khou zaylou ni.
3. Kandih khou aniw lungcna bam sihnic,
Tingkauh tei aniw khang e.
Ai bamv chamdaanv khang tat ni he tw e.
Abamv khoutei nangniw ta phungcguang ni. '

67 He Nangniw Ravguangc Lauziu Nunc

Doh hei G

1. He nangniw Ravguangc lauziu nunc,
Ntaw hanguang dat tho;
Nang ta nzianna kaw bam the.
Hanguang dat katumc tho.
 Nang ta kaw e Nzianmei khwan ruina;
 Nang khuay guay Ravguangc khou ndauh pat tho.
 Guang tho (2) nang paap guay kuaklou ni;
 Ai rui gulou pwni.
2. Kaipou rui nkhwanna bam the;
 Banhzaapna kaw bam the.
 Kaganv tei tatri pwni the;
 Nang ning ngam mak pwni.
3. Ntaw di the nzianmei le,
 Nang ning ngam mak pwni.
 Nzianmei khwan rui kaw bam the,
 Kaipou khwan tei king tho.
4. Kanyng swna taanc niimeitaa nv,
 Kandih khou taanhmei guay,
 Nang taanv rui nang ta maikwam khou
 Zaygutlou pwni the.

Luh Ahung Kamei

68 He Neihlaamei Tingkauh Ramc

Doh hei G

1. He neihlaamei tingkauh ramc,
Tabui nungcruì tangc ni cho?
Ai machunh e Nang guangcdic tingkauhramc tei.
Nang guangcdic tingkauhramc tei,
Tingsaeng zaeng rmaan dat lak khe;
He ai ning liang e neihlaamei tingkauhramc.
 Tabui nungc rui tangc ni cho?
 Tabui nungc rui ai guangtanc ni cho?
 Khwan ngam lakmei tingkauhramc,
 T ùi nungcruì ai how ni cho?
 He ai ning liang e neihlaamei tingkauhramc.
2. Kandih tuang neilaa guay rui,
Ata nthiam guang sihnic,
a-Kaipou rui ata nduanghlou bam e.
ryanraamei kandihramc tei,
laoducna ai tat pwkhou,
kandih ryanraamei guay tei ning dat lak khe.
3. Nang tingkauhramc gay khoutei,
Bw neih gaahmei nai lak khe;
Ting pwanzingh lev ryanraamei nai dat lak khe;
Lauziu Nac rui gaanc bam e;
Zinghmei ningbangc nai lak khe.
He ai ning liang e neihlaamei tingkauhramc.

69 He Nzianmei Khwan rui

Doh hei D

1. He Nzianmei khwan rui nang ta kawna bam khou,
Akhon quang o, twa niamhna kaw e.
Guang nyanmei sw la rio, zianna kaw bam khouhei;
Akhon quang o, Ai zaeng tithaeklou ni.
 zianmei khwan rui kawna bam khou,
 Nang puatrith tei Ai rui laaganclou ni.
2. He zianmei Poubauhmei rui kawna bam khouhei,
Ngalancguang o, theihmei paap bam khourui.
Nang khuay guay kuaklouna nang ta sw thanlou ni;
 zianthaymei Guangh Jisu ruina kaw e.
3. Ngamp;rimei Guangh Jisu rui kaena bam khouhei,
Duploupui bamv maekmei Nang nac guay ta,
Kachac lakmei taudaic lang khou quangna dup tho;
Theihmei paap ngamv khourui guduaklou ni.
4. Ntaw kaganv gay khou Jisu khou quang la tho;
Nkhamhpui ganv katumcna quang pwtthe.
Duakpat la tho paapcmei kandih tuang phac khourui;
Lunghlaic dat nuh makpui ganv quang pwni.

70 He Nzianmei Pu-chaih Swmei Guayle

1. He nzianmei pu-chauh swmei guayle.
Nthanmei Ravguangc Lat rui riw ta kaw bam e.
Lunghlaic guang o zinghmei bamv khouruina;
Asaanh makna maan ngam ni the heic kandic hei.
 Poubauhmei (2) twna kawmei kathuihna rui,
 Ravguangc guangcdic tei how ngam ni tuang hamh e.
 Ravguangc ningmei taanhmei guay rui
 Tingsaeng ringhmei laa ni.
2. Kaganv tingkwam hei neikhat khat swna,
Kaganv hei tingmik kathuih anaa ranv guang the.
Kandih chingkhiuh neihlaamei guayna hei,
Asaanh makna heic kandic lev maan thamc pwnei.
3. Ravguangc lev tingsaeng lungc nchamc khangrui;
Tingsaeng ryanraamei maikwam khoutei gut mak khang;
Maan nimei nbaanv lwmlung kaguay hei,
Gaanclou ngamna nzwanguang tho taw Khrista khou.

71 He Paapcmei Ntaw T ùi Thangc Bam Tu Cho

Doh hei G

1. He paapcmei, ntaw t ùi thangc bam tu cho?
Nang panty nai bammei kaganv lungc khou,
Kandih mwnpwang gaymei khou lungc bam khou,
Mitei rui theihmei khou zaylou pwni
 “Nang puancthanh nina de, kaganv nai bam khouhei,
 Maanmei ta gulou khang nkhwan bam the;
 Ntaw kahak Adaeng khou guang la tho,
 Nang paap kaguay tei kuaklou pwni the. ”
2. He paapcmei, ntaw kaganv nai bam khou,
Lungh laic la tho kaganv ri pwni the;
Nthuanh twkhou rui Nazareth Jisu
Tatri kan pwkhou kapna huay pwni.
3. Ntaw hei kanloumei kaganv kiu the.
Guloumei ganv ta tatri nina cho?
Gulou khangrui ntaw nkhwan bam the,
He paapcmei, Jisu daeng khou guang la tho.

72 He Poubauhmei Niu Khou Guanglou o

Doh hei G

1. He Poubauhmei n̄iu khou guanglou o.
He Poubauhmei n̄iu khou guanglou o.
Ntaw khourui thuana,
Aniu dic hei Missionary
Kandic swlou o;
Pou 'n̄iu ta žianlou o.
2. He Poubauhmei suaihiam tiilou o.
He Poubauhmei suaihiam tiilou o.
3. He Poubauhmei n̄iu ta khavlou o.
He Poubauhmei n̄iu ta khavlou o.
4. He Poubauhmei n̄iu ta ganclou rio.
He Poubauhmei n̄iu ta ganlou rio.
5. He Poubauhmei n̄iu ta gulou o.
He Poubauhmei n̄iu ta gulou o.
6. He Poubauhmei n̄iu ta laalou o.
He Poubauhmei n̄iu ta laalou o.
7. He Poubauhmei n̄iu ta duanghlou o.
He Poubauhmei n̄iu ta duanghlou o.

73 He Poubauhmei le, Nzianlou o.

Doh hei E

1. He Poubauhmei le, nzianlou o.
Ai hei sansi liangmei paapcmei e.
Achaeng lawn hei zingc khithkhit key the;
Ganhmei riw tei tiilou na ro.
 Arup ryan guay thu ganhmei khou bam;
 Kaniw neihlaamei rui padik bam;
 Chwn siina bammei hei araana kumc the;
 He Poubauhmei zianlou na ro.
2. Kandih kabamv thiuh khou tat sihnic,
Taanc niimeimei taanv guay taanc bam sihnic,
Akhon neihlaamei khatsihnic maek;
Apanty zingc haihai hey the.
3. He Poubauhmei Jisu, Nang khou ui
Kaganv tingsaengcna leytat sihnic,
Ntaw thu Nang pamv khou guang dat the;
Ringhmei dui tizangvlou na ro.

74 He Ravguangc Nang Chwn Dinclou O

Doh hei D

1. He Ravguangc Nang chwn dinclou o;
Dungcna bam khang ny tatna bam khang cho?
Napchu guay khuamguang khang kawlou tu cho?
Nkhwan bam e, he Ravguangc, Nang chwn tei.
 Ai thay the Ravguangc, (2)
 Laudai tei tay khang e,
 Ata kawloumei.
 Bumaengh guay khuam khang
 Kawmei khwan tei,
 Ai chu e he Ravguangc!
2. He Ravguangc Nang phaykaamv suicna,
Duidai ramv khou nic, tauh ramv khou pwnic,
Zinghmei lim rui ata liamguang sihnic,
Minc bammei napguy guay ta pat lak khe.
3. Ai nyanmei maekna khuamtat ni;
Raam kan ni the minc bammei napguy guay;
Raam kan nimei tat how khuamguang ni cho?
Tingzyn neihmik key mak khou khuamguang khang.

75 He Ravguangc Zaylou o

Doh hei E

1. He Ravguangc zaylou o;
Kandih panty luai mak saanv.
Muangh kumcna zinghmei kandih khouhei,
Ata zaylou o,
Nang rui hamhna neihlaa khang maek ge,
Lungh tineihlaalou nime.
Kandih panty hei luaiguang pwkhou;
Niw ta khwan mak khe.
2. Zwan di kho gaanhmei thangc;
Gumeipu phaykaamv suicna.
Thiammei rui dui lumc daicguang sihnic,
Ping makna tat ni.
3. Kandih apanty hei,
Lili mwn kumc tuai nuangc e.
Pingmei rui padikmei kandih khou,
Ata zaylou o.
4. Tat kanmei apanty,
Siime paap taancloumei guay,
Ravguangc rui zianlouna sw thanlou;
Luihmakmei ata.

76 He Ravguangc Nang Ramzian Hei

Doh hei D

1. He Ravguangc Nang ram zian hei cg r'yn dyng e,
Tampypeic sw khang nang rui ata damclou.
Tamzanh thaymei pui sw diu khang tiilou o;
Ai ramh khatsihnic thay mak ge Ravguangc.
Nang suaihiam sing chakna ai lungc bam ni.
Nang tuang nyngtyng gaymei akhou tiilou o;
Khristian kaikhunc ramgai lungc lyan ngam kkhang,
He Ravguangc Nang suaihiam tikeylou o.
2. Kaikhunh khou nchu nzaenghna lungc khang,
Ravchap tatmei pui swna lungc lyan ngam khang ,
Ravguangc kahawmei panty khou lungc diu khang.
Ravguangc khang tiipat thayna lungc diu khang.
3. Ravguangc, phaysuyna lungclou khwan sihnic,
Ngalanc guang e akhuay guay kuaklou diu khang.
Tingsaeng Nang siamluai sw dat khang laalou o.
Tingsaeng naihlaamei panty khou lungc khang.

77 He Tingkauh Ramc Guang Niimei Nunc Mu

Doh hei D

1. He tingkauh ramc guang niimei nunc mu,
Kaipou Jisu ta zauc lo.
Nang ta kabamv thuih duanghlou khang,
Kaipou Jisu ta zauc lo.
 Kaipou Jisu ta zauc lo, (2)
 Zingbangc kalaanv nang ta duanghlou khang,
 Kaipou Jisu ta zauc lo.
2. Siime paap khou rnaan kan nime thi u,
Kaipou Jisu ta zauc lo,
Ntwnmei lwnlung khou lungh khang,
Kaipouc Jisu ta zauc lo.
3. Nang panty chaenglwan ryanraa sihnic,
Kaipouc Jisu ta zauc lo.
Nang daeng khou bamlou nit w e;
Kaipouc Jisu ta zauc lo.
4. Theic suc-nucmei guangtangc pwsihnic,
Kaipouc Jisu ta zauc lo.
Tingkauh ramc guangtangh makpui saanv,
Kaipou Jisu ta zauc lo.

78 Heic Kandih Hei Mu Nyngsumhpui Kandih e

Doh hei E

1. Heic kandih hei mu nyngsumhpui kandih e.
Heicpui đic ta Jisu ruina gulou the.
Kata lwm o neihlaa bam khang.
Heic kandih ta damclou khwan e.
 He lwmlou lak cho nzianmei guay,
 Kaganv rui nang ta nkhwan mak ge.
 Kaipou rui nang ta kawna bam khou;
 Bumaengh ta nsaa rái bam tu cho?
2. Ravguangh rui níw ta baanh zaapna kaw bam e.
Bumaengh amaan nimei khourui hanguang o.
Mbaanv chwn guay patlou ngamna,
Bumaengh ringc niimei guay guang o.
3. Aniw panty mu matat khatna khang de;
Kaganv tingmik hei katumcna duiguang the.
Baanhzaapna kaw bam khwan sihnic,
Kaganv hei ngalanc dat lak khe.

79 Heic Kandih Khou Apanty Luai Guangpui

Doh hei E

1. Hei kandih khou apanty luai guangpui nungc kiu
Kahym daihmei Ravguangc ta ariu pwni the
Ataanv guayna kahu khoutei lyan pwni the
Kamei nthuihlou khang.
 Nzianmei Ravguangc rui (2)
 Nzianmei rui ti-nthuihlou khang khwan bam e
 Gut khang diulou pwni
2. Kunghmei nzianmei nunc guay tat rey ngam kan the
Tingkauh ramgai tuai dat makmei ramc khou ai
Gaungh pwan piulou lana.
3. Heicdi nritmei cross tei ai phungc ngam ni cho?
Paapc tuang ric tei tingmik kathuih adow sihnic
Hyamdaihmei Ravguangc ta thuanhpui khwan rui suan ni
Ai Emmanuel ta.
4. Kandih hei zuac pwki neihlaa khang maek ge.
Zinghmei ruina gumliamna bampui ramc khouhei
Kumhsihnic ngammei Ravguangc Jisu khouhei
Kumsihnic ngammei Ravguangc Jisu khouhei
Ngammei khou ai bam ni.

80 Heic Kandihramc Hei Mu Hamh E

Doh hei E

1. Heic kandihramc hei mu akai hamh e;
Neih khatna khang nggin guangpui kai de;
Tingsaeng lungc nipui kai hamh e.
 He tingkauhramc Zionramc khoutei,
 Ai tingkauh gaymei ramc thangc tat kan ni the.
 Ai kaamcthau kan ni the zianmei guay le;
 Bamduc khwan tho, bamduc khwan tho.
2. Neihlaa lungkim khang maek kandih khuhei,
Tihkic bumaengh rui ata zaylouna,
Taw mu ai ringhmei laatow the.
3. Zianmei guay le, paapc ta mpat la tho,
Aseic hei Ravguangc rui nang ta kaw e
Paapc khourui ngalangguang dat tho.
4. Guloumeipu ta tingsaengcna ning e.
Mi kandic rui ata tikim ngam mak,
Bumaengh nthanmei rui hamhna.
5. Khamhpui ganv guang pwthe zianmei guay le,
Zianmei pu-chaih, rup-ryan swmei guay le,
Kaganv maek khe chamdaanv la tho.

81 Heic Kandic HEi Mu Neihkhat Amaan Pwni

Doh hei E

1. Heic kandic hei mu neihkhat amaan pwni;
Baanh rui kasiamei guay hei amaan nuh tuang de.
Tihkic lwmmei guay mu amaan tuang nai lak khe;
Ntakmei rui kai swmei kumh tuang de.
 Nangniw Ravguangc kai e nthan liangmei kai e.
 Nangniw thaymakna cho bumaengh thanmei kaitei
 Ravguangc kai swmaanmei guay tei
 Ravguangc rui maanmei tei tii ri
 Ravguangc kai thu than e nangniw thu hei tei e.
2. Khrista ruc khou kaiphwn swna lungmei guay,
Neihlaamei laa pwni panty hei luai pwkhou;
Nang taanv paan khouina nang swan laatow pwni
Kumna aseic kai hei katgut dat re.
3. Khrista ruc khou swthaumei kaiphwn guay mu,
Kachaekc lev daengka kamanv kunghmei kai guay e.
Tihkic thingnwang panu rui swthaumei guay mu,
Nkhamhpui nungc maikhwam khou lou pwni.
4. Khrista ruc khou hamhna kaiphwn baihmei maek.
Nthaimmei pwanzingh rui kanuk ranvguang sihnic,
Khrista ruc khou swpui zaengrui kachanh lak ge.
Kumna aseic kai hei katgut dat re.

D. Raningbuan

82 Heic Kandic hei Nouha Kaanc khou Kumc the

Doh hei E

1. Heic kandic hei Nouha kaanc kumc the.
Ravguangc ta mpatlou ngam the;
Kandih rangai nbaanv rui kahawmei tei
Phu khourui theic rmaan ngam kan the.
Charyn tuang e heic kandic hei!
Poubauhmei lungpuan guang pwni.
Luangh lev duipui kabamv kalaic pwni;
Ki lwmmei guay khang tingkauhramc chamdaanvlou.
2. Hei kandic hei nkhamhpui ganv guang the.
Ravguangc ta nzianmei khangsuangc,
Mbaanv rui kahawmei ta nzian khourui,
Ravguangc ta mpatlou ngam the.
3. Heic kandic hei kaduhna lungc pwni,
Ryanraamei lev pingmei khwan rui,
Akumh ni cho kandih khou lunghmei guay hei;
Kapna huayna lungc bam pwni.
4. Kaanpatmei laatowmei bumaengc guay mu,
Tingkauh tingthan patpui nungc kiu,
Neihpat neihkey kabangc karucmei guangna,
Ravguangc ta thuanvna bam pwni.

83 Heic Kandic khou Ai rui Guangmei

Doh hei G

1. *Hei kandic khou ai rui guangmei;*
Nruay rui thingphaanv gay khou,
Tow khanvmei kumc neihkhat zaeng
Khang de ai rui guangmei.
 Nrianhloumei ramc tei guangtangh khang,
 Swkaeng naina samcthay ethei,
 Nthaekc makna samctat nii e;
 Poubauhmei rui chamdgaanvloumei ramc khou.
2. Saruan mwn gaymei puanghpui ramc,
Kachaekc namdaih neihlaapui ramc;
Heic ramc khoutei lungkhang
Pou Jisu rui khwan bam e.
3. Heic kandic hei karaankey the;
Tingsaengc lak khe heic kandic hei.
 Baanv ramgai gamclou ngamna,
 Ai samctat kan ni the.

84 Heic Kandic Mu Zinghmei Raana de

Doh hei D

1. Heic kandic mu zinghmei raana de;
Kandih khouhei gaymei ariu ngammak ge.
He a-Ravguangc Nang riw gaanhmei tei
Tiikeylou na ro;
 Zaeng thaekcpui bamv maek ge kandih khou,
 Tingkauh ta machunhna bam di kho.
 Zianmei guay le.
2. Kandih taanv khou lunghgut dat ri tho;
Bumaengh taanv khou lunghgutmei guay dawn-gay ni.
Ravguangc rui saaloumei latryan kiu e,
Zianmei guay le.
3. “Kandih khouhei puatcrith phunghmei guay,
Akhau guang o, Ai zaeng tithaekclou pwni,
Akhau guangmei guay ta riuna bam e ”
Zianmei guay le.
4. Kandihmei guay zipri bam ri tho,
Ntaw nang khang kaganv di the thau la tho;
Poubauhmei key dat khang kaganv naaa the;
Ngalancguang tho.

Dithuanliu Phaumei

85 Heic Kandic Ryanraa Ramc khou

Doh hei D

1. Heic kandic ryanraa ramc khou,
Ryanraa kalanghmei khwan rui,
Kandih kwn guay kagaengv lik ge;
Paapc lev zinghmei kandic khou.
2. Alung ryanraa bammei hei,
Kandihmei rui thay tangh mak.
Alung khou ryanraamei duidai;
Tabui nungcruai maan ni cho?
3. Baanphiu puancna kalum e;
Laathaulou o Poubauhmei.
Nang tuang nchu nzaenghmei tei,
Tiikeylou o alung khou.
4. Kakwm kaganv guay samctat;
Duipui guay nic luangctat bam;
Ki aryanraa kaguay hei mu
Kimkey mak ge, he Ravguangc!

K. Kamson

86 Heic Kandic ta Akandic e

Doh hei D

1. Heic kandic ta akandic e
Twana ning khourui,
Nzianmei guay lungh khang tat kan the
Jordan paengc thangc.
 Neihmik nic gaanhmei nsaa de;
 Bw lev gaanchuangcna guay nic;
 Baanh sin kadymei nai lak khe;
 Gaanhmei Jisu hu khou.
2. Heic kandic khou suhmei naumei guay
Nai dat lak khe.
Nzianmei guay ta ariu pwni
Jordan paengc thangc.
3. Lwmmei guay mu tingkauhramc thangc
Lungh khang tat kan the.
Tat rey kanmei nzianmei nunc ta
Ariu pwni.

Khuanjang Gangmei

87 Heic Kandic ta Ravguangc rui

Doh hei D

1. Heic kandic ta Ravguangc rui damclou the;
Kalatkaeng paan rui ramh gauy ta damclou;
Kabaanc kahak rui maansei ta damclou;
Ramh guay ruc sin khang maansei ta damclou.
2. Kabaansiam guay pangc khou maaansei guay ta
Nthukna kungcna nzian diangclou the;
Kumsihnic kazauzian ta thaylou mak.
Kumpui zaengrui latzan khou guang ding ni.
3. Taanc zi makmei taancna bammei guay ta,
Tu zi makmei tu-zangv bammei guay ta,
Saa zi makmei lat saa bammei guay ta,
Latzan sw khang tingmik anaaaguang the.
4. Latzan nungc kiu nang ta saaguclou khang,
Nai pwni de twna nang ningna cho?
Mwang rui saaduak ngam nuh de twna cho?
Nang ta saagucloumei nai pwlak khe.
5. Kandih khou meicbw meicdowlou sihnic,
Bw-dow mak ge twna saaduak ngam de;
Ravguangc latzan khou thu duak ngam lak ge.
Nang taanvphy tei nang khang tii pwni the.

K. Kamson

88 Heic Kandic Kabamv Kathuihna khou

Doh hei F

1. Heic kandih kabamv kathuihna khou,
Ryanraa lakmei khwan raana.
Tingpuk kandih maan changh kan pwni the;
Tingsaengc pwlak khe.
Baibal khou saaloumei hei guang khithkhit pwtthe;
Kandih mai rui raw pwni.
 Poubauhmei guang datmei ganv khou kiu,
 Kandih khouhei tanc-bauhmei guay,
 Nkamh khang tei kabamv nai dat pwlak khe,
 Ravguangc Lauziu Nac hu khou.
2. Dih khou ramhkhe swna liantime,
Nang ping thayna lunglaic o;
Nang ruc khoutei latzan sw khang ruina
Poubauhmei guang the;
Maansei nac mwan rui daw nzih ngam pwlak ge;
Ravguangc Lauziu Na cru khoutei.
3. Kkandih khou nang taanv tynmei khangsuangc,
Nang bumaengc khangrui tyn o.
Nai dat pwlak khe maan ngam pwni the,
Nang tuang syan-lanv guay.
Ntaw kaganv gay khou kunghmei nang bumaengc ta
Gulou ngam khang chamdaanv la tho.

89 He Poubauhmei Nang Zauzian Daihmei tei

1. He Poubauhmei nang Zauzian daihmei tei,
Nang bangc ai rui saaruan dincruan bam ni,
Kalvary chying khou nang zei luangckeylou,
Akhanguoi nang ringsuangmei tiilou the.
Nang zauzian thukh ai saa tangc ngam thuy lak
Chwnsi zaengsimeimei mbaanv kandic khou;
Tat rey kanmei guloumei thanmei guay,
Jerusalem thanh khou thuancku ni the
2. Kandihramc khou ryanraana lungc sihnic,
Bumaengh khuamguangloumei kaguayna rui;
Tingkauh thangc gaanchuangcna kumc gaanc pwni
Mbaanvthayna Jisu ta thuanc bam ni
3. Ringhmei thingbang lim gaymei bam khoutei
Tingkauh bancharaa lev Bumaengh Than hunc
Neihlaa zaenggaymei lu thanh khwan ruina
Guloumeipu Jsu ta thuanc bam ni.

Ph. Thailik

90 Israel Nac Nunc Ta Jehovah rui Zian e

Doh hei D

1. Israel nac nunc ta Jehovah rui Zian e.
Mousi ta diuna nduanghpat re.
Rianhloumei ramc guangtangh mak khang,
Thiammei ric daic e.
 Charyn tuang e! Charyn tuang e!
 Izip ramc lungning phunghmei!
 Nrianhloumei Kanaan kandic
 Guangtangc ngammak ge.
2. Kachaekc namdai gay khou
Lwmmei guay lungc dhamc ni.
Ryanraamei lung rui zauc kim ngam mak.
Ringhmei thingbang lim khou
Salem lu suanna thuanc ni.
3. Apanty phaydyng hei zaenggaypui phaydyng e.
Nduanghlou o he Bumaengh Thanmei.
Tingsaeng ramc gay guangtangc pwkhou,
Neihlaa lu suan ni.

91 Jerusalem Kathanc Khoutei

1. Jerusalem kathanc khoutei,
Jisu zei rui liuloumei kaguay r,ui
Guang lungc pwni neihkahat,
Damc thanhmei tingkauh khoutei
 Tingkauh ramc khou guangtangc pwkhou,
 Hallelujah lu thanh suan ni,
 Ringhpouc ta thuanc bam ni.
2. Ringhpouc rui damcloumei ruang khou
Maansei ta kungc liangna damclou khwan e;
Kahym lungc lyan khangrui,
Ringhpou rui damclou khwan e.
3. Ringhpouc rui taanhdaih taanclo, the
Aniw khang suaihiem tei tikeylou the.
Thuanckuna bam di kho,
Panty nai bammei lungc khou.

Ramjanpou Panmei

92 Jerusalem Namvdai Gaymei

1. Jerusalem namvdaih gaymei
Tangh khang khwan ngammei ge;
Thanmei nunc lev bam chamc khangrui
Guloumeipu hu khou.
Jerusalem (2)
Ai rui ning e
Thanmei nunc lunghpui ramc
Guang khang khwan ngammak ge.
2. Jerusalem namvdaih gaymei,
Karamgai saa ngammak.
Kandih rangai ganclou dicna,
Guloumeipu hu khou.
3. Jerusalem namvdaih gaymei,
Chwnsw kapmei maek ge.
Khoutei guang khang ai machunh bam,
Guloumei pu hu khou.

93 Jisu Guang Pwthe Chamdaanvna Khwan o

Doh hei E

1. Jisu guang pw the chamdaanvna khwan o.
Kamei rey liangmei nkhamh liangmei e.
Tingkauh thangc rui niw ta laa khang key ni
Chamdaanvna kamei guangmei ta khwan o.
Jisu guang pwthe chamdaanvna khwan o.
Jisu suai makna han guang dat pwni
Ryanraamei guay akhaengvna nkhwan o.
Nkhuamei guay ta ganclou duc pwni,
Kachangcmei guay tingkauh thangc phuangc ku ni.
Araana sinic kata pat lak khe.
2. Jisu rui saa e paapc khou rui pat tho,
Nangniw lungning tei sw-nthan la tho.
Kandih khou paapc rui niw ta gum liam bam,
Nang thau lana Ravguangc biak liangc la tho.
3. Khuamei rui niw ta gum liam ngam mak ge.
Seitaan ta Kalvari khou ngamlou the.
Neihlaa zaenggaymei Jisu khou nai e;
Zauzian paan rui aniw ta gulou the.

94 Jisu Hei Akaipou e

Doh hei E

1. Jisu hei akaipou e.
Kakhou ai lwmpui paan rui.
Alu guay kakhang suan ni,
Thuanckuna ai lungc bam ni.
 Kuak kan the apaap guay tei
 Kazei rui khiu thanlou the,
 Apanty kakhang di the,
 Akaipou Jisu, Amen!
2. Kandih khou ai lung bam saanv,
Paapc khourui pak duc tat ni;
Apumc guay kakhang sw ni;
Kalatryan rihpwan sw ni.
3. Tiilou o Nang zauzian heio,
Meic guay khou dinc lik tat khang.
Ringc kan diu arup guay nic,
Ringhmei latkaeng paan khourui.
4. Ding tip ni Daniel kumcna
Joshua kumc rihpwan piu ni,
Ringhmei latkaeng paan khourui.
Tiipat ni Abel kumcna.

95 Jisu Hei Lauziu Gaengc Chuymeipu Kiu e

Doh hei A

1. Jisu hei lauziu gaengc chuymeipu kiu e.
Kamei zianmei lauziu guay ta pamclou e.
Katuang biulwang saenghmei ruina zaylou e.
Nchu nzaenghmei diuthuak khou zaylou e.
 Ai hei chaengmaancmei lauziu kumcna
 Ai hei ruan maanna tatmei lauziu kumna,
 Lauziu phay khat pangc khourui ai maengtat the,
 Taw ai ngalangcguang dat the a-Poubauhmei.
2. Kamang alaih mwan khou ruina kanlou the.
Kanganv maekmei diupui khou nic zaykaanlou.
Ndiakcmei phuaic ding khou ata zaylou e.
Ata tingsaeng zaeng khang makuaklou bam e.
3. Lauziu kuanc khou guang khang kawmei tei chu lo
Nking o, Kaipou ruina kawna khwan the.
Chumei kamv rui guang katumc tho kapamv khou
Guang tho, guang tho, ntaw kaikhwamv laanc bam khou.

96 Jisu Kaw e Paapc Puat Laaganh Khang

Doh hei E

1. Jisu kaw e paapc puat luakganh khang.
Seitaan bangc nang sawbam nina cho?
Zianna kawmei khou guang zihna cho?
Lungh laicguangmei ta kamei laa nii e.
Taw lungh laih mak thei kaganv maek khe;
Kamei dinhmei ganv tei guang pwthethe.
2. Khrista ruina kaw nang zanc ta,
Kawpat pwkhou adih neihlaa ni!
Kachaekc namcdaih khou lungc zihna cho?
3. Khamv laanh khou gut twna kaw e.
Ntaw gutlou makmei guay tei mu,
Kaw sihnic ngalangguang dat lak khe.
4. Tingkauh ramgai tei saa ngammak ge.
Baanch raa guay lev seraphim guay tei,
Kata thuanhpui khwan rui kagaengv e.

97 Jisu Guang Zaic Pwni the

Doh hei E

1. Jisu guang zaic pwni the;
Lwmloumei guay chandaanv la tho.
Lwmlou makmei guay tei mu,
Pou Khrista ta how pwlak khe.
 Lwmlouna chandaanv la tho;
 Tingkauh kandic khou lungc niimei guay.
 Lungh laicna kakhou guang la tho.
2. Tingkauh ramgai saa ngam mak.
Bw lev neih riw kage maek ge.
Tingkaih ramgai tei ch ryn e;
Heicdi gaymei tingkauh ramc tei.
3. Tingkauh baanch raa ruhkanei,
Kaniw baengkhuai tei sin lana,
Laudai tei mincna bam the.
Laudai tei tay nimei rau e.
 Khuanjang Gangmei

98 Jisu Jisu Nang Raana De

Doh hei E

1. Jisu Jisu Nang raana de
Paapc phunghmei ta zianloumei
Nang mei nunc ta zianpui zaengrui
Nang zei rui thuak patlou the.
Ata thaylou o thaylou o
He Jisu aniu Ravguangc
Ata thaylou o thaylou o
He Jisu aniu Ravguangc
2. Nwan phunghmei kandic ruc khouhei
Maansei huayney bam geic e.
Aniu chwn sii e nang raana
Aniu khang ryanraa khaengvlou.
3. He Jisu Nang lat piu diuc khang
Nang lung gaymei tiilou o
Aniu pumtan maekpui zaengrui
Nang rui n'iu ta gulou o.
4. Aniu diu khou Baptais sw e
Heic tei rui biumei hamh e
Bumaengh Thanmei Baptais sw khang
He Jisu rui tiilou o.

99 Jisu Key Dat Nimei Kaganv

1. Jisu key dat nimei kaganv
Naanguang pwtthe
Heickandic luai pwkhou,
Chamdaanv la tho zaatcguay,
Kamei guang khou kaswan laa khang.
Kandih tingpuk guay maanpui nungc kiu.
Tingkauh chaeng khou ai tat pwni,
Guangh bamvpaeng khou guang kariu ni;
hallelujah aatc guayna rui
Guangh bamvpaeng khou guang kariu ni.
2. Kauckeypui khwan tei lev
Ravguangc Baebggun khwan rui,
Kamei kahak key pwni,
Khrista khou theic kanmei
Zinamei nunc tei thau rey pwni,
Mi tangv ringc bammei lev kariu ni.
3. Tingkauh kaidai thangc tei,
Ganhmei riw padik ge,
Khoutei Khrista lungc bam e,
Kamei lev bam chamc ni,
Muangh ruc khourui phungcku pwni,
Tingsaeng zaengna lungc bam ni khoutei.
4. Mphwanmei pheymbaan rui
Apwan swna lungc ni.
Khrista riw ganhmei bangc khou,
Kata thuanhmei khwan rui,
Trumpet khwan lev alim khwan rui,
Tingkauh kaidai khou suanna bam ni.

P. Hulang

100 Jisu Khou Nzwan Guang tho

Doh hei E

1. Jisu khou nzwan guang tho;
Paapc bangc sw saengh ri tho.
Maan nimei khou lunghgutlouna,
Ruantat dat bam ri tho.
Jisu pamv khou hanguang tho;
Nang paap guay kuaklou khang.
Paapc tuang ramgai ndeihmei rui,
Nang bumaengc rmaan pwni.
2. Kandih ramring ringhmei rui,
Ringsuangmei laa ngam mak.
Nang paap guay saa ndauhpat tho;
Ringhmei laatow pwni.
3. Tingkauh kaikhamv laanc bam khou,
Maeng maantat bam ri tho.
Zinghmei zaengc lim kaanpat pwkhou,
Ariu pwni Kata.

Mp. Ningdinliu

101 Jisu Ramzian Daihmei

Doh hei E

1. Jisu ramzian daihmei

Tingsaeng zaengna thuancna bam di kho.

Theic nuhmei bamv khourui tiduaklou the.

Ringhpou tuang taanv daihmei tei thuancku di kho.

Thuanc o Ringpou ta zaatc guay rui,

Kakhou lwmloumei guay khang,

Tingkauh Guangdic tei chamdaanvlou the.

2. Ai ryanraamei ganv khou

Ringhpou baancharaa rui khavlou the.

Ringhmei baanc rui ata chaengzaylou the.

Ringhpou tuang taanv daihmei tei thuancku di khou.

3. Ringhpou latpiumei khang

Kapanty khou neihlaana lungc ni.

Aniw khang kage naimeis guay tiilou,

Ringhpou suaihiam sing phucna thuancku di kho

Ramzanpou Panmei

102 Jisu Ringcthau Dat Kan the

Doh hei B

1. Jisu ringcthau dat kan the;
Baanch raa gaanvnei rui saa e.
Baanch raa gaanvnei tei ruina
Roukham tei laancpatlou the.
2. Zauzihmei nunc baanc khoutei,
Meic Nac Mpouh Jisu ta,
Tiipatna swluai pwni;
Neihthumh nungc ringcthau dat ri
3. Twna dinc kasuakcloumei
Hei guangtangh khang saalou the.
Lwm makmei sw la ri tho;
Kamei guang dat pwni the.
4. Kandih paapc zinghmei guay ta
Ngam lana thau dat kan the
Ravguangc Nac swpui zaengrui
Kapu pamv nzwan kan the.
5. Thuancku o he meic guay le;
Thaunc o he Halleluiah!
Thuancku o kahym daic diu;
Thuanc o he Hallelujah!

103 Jisu rui dinclo e

Doh hei E

1. Jisu rui dinclo e "Tingkakuh Guangcdic naa the. "
Kakwm kaganv ta zauc lo.
Kandih kabamv kathuihna khou
Siime i chamv raana padik bam the.
Nangniw lunghlaicna huayney dat rethei mu-
Nang paap guay tei kuaklou pwini,
Nang kandic tei tigaylou dat ni.
2. Thei hanna baamei nangniw lunghlaic la tho.
Nang panty duime i ganv khou,
Siime i taanv mpat lana-
Gayme i taanv tei taancthau dat di kho.
3. Nineveh namvdai khou Jonah ta ndiu kumc,
Nang ta ndiuna bam the.
Jisu quang dat zaic pwini the,
Lunghlaic tho twana dincruan tat tho.

Ranjanpou Panmei

104 Jisu Rui Kaziap Guay lev

Doh hei F

1. Jisu rui Kaziap guay lev
Chamdaanvloumei kailiangv kauhmei ruc khou,
Lungh ryanraa mikdui luangcna,
Nkhamhmei taektw ti chamc khwan e.
 Mi hei Azanc kiu the;
 Mi hei Azei kiu the;
 Tu lana neihlaana zangv cham la tho.
 Apu kai guangtangh mak saanv,
 Nangniw lev Ai zangv chamc dat lak khe.
2. Lauziu Gaenghpouc bow kan the;
Lauziu nunc tei pak nkic ngam kan the.
Kathei laytatmei nunc tei
Lungh geihmei rui zaeng thaekc khang maek khe.
3. Kamei tu chamcmei nunc tei,
Kasu jaric sw ngam the Kaipou khang.
He Poubauhmei ruc khoutei,
Nzihmei latzan swlou mak ge.

105 Jisu rui Guanghtuna Lungc Pwkhau

Doh hei E

1. Jisu rui guanghtunalungc pwkhau,
Amuh swna kata lungc chamc ni;
Tingkwmm ching kata guanghtu chamc ni.
Chulouna neihlaamei padik the.
Chu zaenghna zaeng thaekc nipui ramc kiu,
Jerusalem Thanh khau lungc pwkhau. (2)
2. Ringcthau datmei guay guang kariuna,
Jerusalem Thanh khau kariuna,
Ravguangc tikgunc dauhmei ta thuanc ni.
3. Jisu lwmlou makmei guay mu,
Kandih khau lungc chamc bam sihnic,
Tingkauh ramc khau kiu ntamv pwni.
4. Jisu rui guanghtuna lungc pwkhau,
Kandih khau suc-rih nai dat lak khe.
Chu-zaengmei guangcdic swna lungc ni.

106 Jisu Zanc Khou ruina

Jisu zanc khou ruina (2)

Aniw rui rihngam ni, Hallelujah!

Jisu zanc khou ruina (2)

Seitaanc ta ngamlou the.

Thow saa ngam cho Ravguangc ngamv ta?

Thow saa ngam cho Karamzian?

Ravguangc Nac Jisu zanc khou rui,

Aniw rui rih ngam the.

107 kaamcthau dikho

Doh hei C

1. Kaamcthau di kho Ravguangc nac nunc thiu!
Kaganv tei guangtangc changh pwni the.
Ravguangc tuang ricpwan tei piu lana.
Seitaan ric tei adow khang tatpat di kho.
 Theicna bammei guay, zipri bammei guay,
 Nang zip bam ni cho, nang ping makna cho?
 Kandih kaganv hei guang changh pwni the;
 Ziprina bammei kaguayna rui,
 Zipchyang thauna kataanv taanc di kho.
 Poubauhmei guangpui ganv ta,
 Meic guayna khwan bam di kho.
2. Zipchyangthau di kho, Ravguangc nac thiu.
Kaganv tingsaengc lak khe kandih hei,
Maansei guay rui taancloumei kaguay,
Poubauhmei rui guangzauh khang guang dat pwni.
3. Kaganv gaymei ri kan pwni the.
Gaanvkhat na sihnic gur nuh lak khe.
Thei thangc gut dat khang kaganv maek khe.
Poubauhmei rui kawpui ganv khou gut di kho.
4. Seitaan ricmei aching rui,
Meic guay ta nthiam khang guang pwthe.
Bumaengh tuang eicpwan tei piu lana,
Seitaan ric ta adow khang tatpat di kho.

108 Kaganv Khat Khang 'de Heickandic

1. Kaganv khat khang de heic kandi akai hamh e.
Neihkhat Poubauhmei rui azanc kaukey pwkhou,
Dih hei patlouna akai tingkauh thangc tat ni.
Chamdaanv luai ngam the heic kandi akai hamh e
He Poubauhmei dih khou apam maek ge.
Tingkauhramc thangc tat khou dih khou tabui sw ni?
Tingkauh baanch r'aa rui kaw bam tingkauh chaengmun khou '
Ai tat zaic ni the, heic kandic akai hamh e.
2. Kahym daihmei ramc khoutei lwmloumei guayna
Theihmei suhmei naumei ryanraamei nai lak khe;
Neihlaana lungc pwni Hallelujah kaucna.
Baanthayna rih ngammei lu suanna bam pwni.
3. Kawmei khou gut nuh khangrui Pou khou "taw lwm tho;
Lwmlou makmei nunc rui maikwam thangc tat pwni.
Tingkwam kaganv nai makna ryanraa bam pwni;
Ki lwmloumei nunc khang baanvthaymei nai.
4. Arup nunc rui ata khwan bam tingkaih kai khou;
Zianmei aui-pu nic khoutei ata khwan bam.
Ai nic neihkhat ta pwni gaymei ramc khoutei
Ata puanhpui bamv heic kandic akai hamh e.

109 Kaganv Naa the Chamdaan latho

1. Kaganv naa the chamdaanv tho.
Suriak thayna bam latho.
Kandih gwan guay hei nic baic ngam the.
Lungning hei tancna bam nina cho?
Kaganv maek (2) pu-chaih thiu!
Kandih gwan hei nic baic ngam the,
Chamdaanv latho, (2)
Kaganv rau the chamdaanv latho,
Huayney bam dikho.
2. Tingkau baanch r'aa thanmei nunc,
Kaniw trumpet muan khangrui,
Ntaw hei nic chamdaanv na bam the.
Kamei guang nimei ganv kiu naa the.
3. Ravguangc rui lauziu lev ziu h,
Kadaa nimei ganv dithe.
Lauziunac guay tingkauh khou lungc ni,
Ziu h guay ta mai khou phaiclou pwni.

110Kaganv Rau Guang the

Doh hei D

1. Kaganv rau guang the, chammaanvna bam tho;
Nzianmei guay taanv taanc la tho;
Nang kaamc thaucna Kataanv taanc tho;
Nang Ravguangc ta ariu khang.
 Lwmlou la tho he nzianmei guay;
 Kandih ramgai mpat la tho;
 Nang syan nang lanv ta laa nii mak ge;
 Nang bumaengc ta laa nii e.
2. Kandih ramgai phuna lungc bammei guay,
Theihmei nganvna lwm mak ge thei,
Saa ngam makmei ryanraamei tei,
Kaniw khou tiilou pwni.
3. Ravguangc latdanv piuna lungc bammei guay,
Repchar tingmik guangpui nungc kiu,
Kandioh ryanraa ganclou ducna,
Tingkauh ramc khou guang lungc ni.
4. Kandih khou lwmlouna theic kanmei guay,
Kabamv baicna bam sinic,
Tingkauh bianggun lhwan chu pwkhou,
Gu rheipu ta ariu ni.

111 Kaganv Tingsaengcna Amaan the Apanty

Doh hei A

1. Kaganv tingsaengcna amaan the apanty;
Dih ramgai ta ai zian khourui,
Kaganv gaymei guay ri ngam the.
Apumtan gaymei guay nic piu maan ngam the.
Ai guang dat the Kaipou pamv khou;
Chaeng maanvna ruatatmei khourui.
Zauzian paanrui kawmei khwan chuna,
Ai ngalanc guang dat the.
2. Paapc tuang ramgai kkhhou tat khang ata thiam bam.
Zinghmei bamv khou ai kathamna,
Theihmei paap rui guanghtu khwan e;
Abumaengc ryanraa puay tat bam khwan e.
3. Tingkauh kaidai khou ai guang tanghpui nungc kiu,
Tingkauh Ravguangc pow ai phungcna,
Tabui puat phungc guagn ni Kakhang?
Aramneilaa na phungc guang ni Kapamv khou.

111 Kaganv tingsaengcna Amaan the Poubauhmei

Doh hei D

1. Kaganv tingsaengcna amaan the Poubauhmei
Theic nuhpui bamv khourui duakna,
Nang mei khang laalou dat pw o,
Nang riw akhou tikeylou dat ro.
 He Poubauhmei ata zianloumei,
 Ch ryn e Nang ramrianraa khaengvloumei!
 Nang ringcbamv tiilou o Poubauhmei.
 Apumc lev abumaengc Nang khang tii the.
2. Ntaw thu ai Nang khang di the Poubauhmei.
Nang rui ryanraalou pui zaengrui,
Ningtow pwkhou mikdui keyna,
Poubauhmei, Poubauhmei twna huay.
3. Khavloumei maekmei Poubauhmei Jisu ta.
Kros ruc khou thaengclou bam khoutei,
Zoukhiangc dui tei kakhau duylou;
Poubauhmei tarimei kim mak ge.
4. Tingsaeng Zion ramc tinggaancpatpui nungc kiu,
Kawmei bianggun khwan chu pwkhou,
Tingkauh ramc khou guang dat lana,
Lu rui Nang ta thuanc ni Poubauhmei.

Khuanjang Gangmei